

光緒山西通志

藝術錄下

錄十之二

山西通志弟百五十九

賜進士出身頭品頂戴兵部侍郎兼都察院右副都御史巡撫山西提督軍務張啟泰
旨監修

明 國朝

杜續字宇公蒲陽山人幼補弟子員得羸疾因治岐黃家言
以意自藥凡八年而病愈問療人病他人謝技窮續宇多以
奇收之邑人王道行避危疾爲投劑十條有起色謂宜靜攝
王不戒忽嘔痰數升營脫脈代太谿絕指下續宇曰代脈有
壽者可治戒勿飲食日夜進附子獨參湯又爲灸天樞氣
海關元諸穴百餘壯脈始得還凡服參盡十觔附子八兩有
奇不雜他藥一銖百餘日而愈或云附子毒續宇笑曰附纔
二十分之一而以參制之毒將焉施蓋用附以直達湧泉健

參力下行譬如命大夫頤指賊曹捕誅不道若嫌其猛利是
偵率游徼無所用而爪牙可廢也聞者胥服然品殊雅介不
欲以醫見巡撫魏允貞母病或以杜薦固謝不往魏屏侍從
詣室跪請乃行病愈魏出諸醫方視之續字指一方曰此與
愚同意但患必百劑乃克痊公求效太速彼一投不效卽被
斥矣公可以酬某者酬之魏益加敬後以歲貢授兗州府通
判

白能嵐縣人通書史雅善丹青永樂間詔至闕下上覽畫深
賞之賜冠帶以寵異焉

穆香即嵐縣人生有道術樓居嘗有言談聲及視之無所見
能用鐵點金年三十而逝

劉居仁字元儒號雲谷山人善篆隸篆刻尤絕

閻子貴祁縣人精通六壬言不無應又閻大節通藝術尤精於醫卜

高應元太原人行草書奇逸飛動而署書尤絕今存縣北壘城暨古城寺二區

以上太原府

韓昌洪洞人家世業醫有隱德嘗見推車者仆道診視知爲寒疾移暖室藥之汗愈及行資以米洪武初避兵岳陽山中遇異人授祕術不竅診視一見卽知人生死孫肅七歲誤吞鐵釘舉家惶遽昌曰勿憂三年後釘當出他日且生貴子後釘果從脇下出已乃生忠定云

林鶚字一鶚太平人景泰二年進士成化中爲刑部侍郎卒贈尙書謚恭肅秉禮植義造次必恭愼公餘輒危坐閱書史臨古帖老年猶作楷書得者寶之

張英平陽人幼穎悟善畫人物翎毛尤工戲墨號平水翁有
編集畫譜行世太守樊瑩贈以詩有溪山不減王摩詰臺閣
無慚董伯仁之句

鄭郊字應麟鄉甯人萬厯中由歲貢厯官大同府教授聰明
博覽尤精於醫針灸方脈得之異人祕授每有施治應手奏
效與兄都並祀鄉賢都字子畿以貢官泰安州學正有行義
亦能醫其後子孫以術鳴者累世郊之裔名某者用鍼尤神
世傳其異蹟甚多云

崔師程襄陵諸生善書不撫前人筆法而自成一家更精畫
龍虎山水人物亦不蹈尋常蹊徑

以上平陽府

楊文昭字震寰蒲州諸生屢試不售隱於藝嘗以旃檀作佛
像宛如生人遊京師諸貴人多招致之而昂藏自負恥於干

謁其所交皆一時名彥最著者如韓少師燠呂尚書惟祺曹中丞于汴程布衣嘉燧而於程尤稱莫逆程集中贈蒲州楊生稱磊落奇男子者謂文昭也

楊炳字文彪蒲州人精醫術決人生死不爽嘗赴安邑宿逆旅一少年欲試之從窗牖躍入僵卧牀上呻吟求救炳診視大驚曰郎君殆將不起左右皆竊笑是夕少年果死或問其故曰腸已裂不可復治也其後世多習醫州人稱爲藥丸楊氏崇禎間侍郎李爲立祠州城東門

潘疏儒奇氏諸生工岐黃術究心內經字句悉爲註釋久之盡達其旨每製方劑多出新意往往奇中

張汝霖奇氏人少爲儒生後學岐黃術研精入妙一僧於暑日汲井水沃其頂汝霖見之曰當於一月後患頭痛僧初不

之信及期果然乃請汝霖求治曰不復需藥至一年痛自止但齒當早落耳亦如其言其他巧中多類此尤精太素脈決人壽夭無不驗一日呼其子語云吾某日當死因徧召親友相聚歡噓明日衣冠而遊年九十有四州府

以上蒲

中九甯屯留人精天文數學洪武初授五官掣壺能逆占吉凶上召問應對如響

宋銓潞州人嘗遇異人授祕方嘉靖八年郡別駕傅必用夜宴德風亭醉墮折左股醫莫能治銓出藥三粒大如豆啖之骨尋續有聲更以手熨起行如常一時稱神

萬瑄潞州人通元理善畫寫意胥入神年九十猶作小景見王公長揖不拜人皆重之

郭世元長治人書畫胥精純沈平度令藍田延世元臨摩詰

欄川圖雲林山水臺榭人物毫髮絲縷備極工巧晚年宗巨然潑墨更爲蒼潤識者競珍賞之書撫聖教黃庭才思亦敏有遺賦百二十篇

申相長治人業岐黃研究脈理尤精傷寒一科著診家祕要傷寒捷法歌稱良醫云

以上潯安府

武璩字大器介休人性聰敏母久病乃之抱腹嚴研究內難諸書三年以脈訣未真遠遊遂得異人傳治病按脈決生死若神遇危證出巧思治之沈疴立起嘗戒子孫非甚明理勿輕學醫云

溫微介休人知府廉子嫻於彈射流賊寇城微發三彈中三賊之目賊駭解去又善琴及書畫寫竹尤工

以上潯安府

陳魯高平人少學易入五臺見老翁授開心符曾跪吞之遂

明卜筮陰陽九宮兵法召風雨無不立應

王友古高平人博物洽聞尤精天文及九章法且布算而知人之隱嘗集渾天欹器銅鳥漏刻候風諸巧製并圖之以爲準

張翔字騰遠澤州人工書善記入州學爲弟子員以例貢禮部授朝邑訓導

程應寵澤州人太醫院吏目切脈決生死輒中有奇疾莫名其證者一藥立起每施治弗問貧富卽窶丐亦療之有手錄醫案諸書

羅人文沁水人早登鄉薦甲申後棄去不復出以業醫爲生遂精於證治著醫案若干卷

李玘高平人少以醫著後善圖緯且能鍊形服氣晚年築釋

老而一之以上州府

李春先大同人雲中世醫精研脈理全活多人時呼爲李仙王應元字象元大同人幼習舉子業旣而棄去專精古人書帖楷書出入歐虞褚薛諸家自成一格草則直追王內史有生動氣小而蠅頭大而徑丈靡不精妙晚年益耽禪理

朱遜炘號草軒代王桂子善學策大書尤工寫什時共珍之遜炘孫冽泉逸其名亦善畫竹學夏太常景頗造其妙

朱俊格代簡王之裔孫也嗜學善屬文聚書數萬卷尤好古篆籀墨迹手模六十餘卷勒石名崇經帖

劉橋東大同人遇異人授皇極數遂精卜筮能預知來人姓名及富貴貧賤爲人談休咎多奇驗巡撫賈召試其術指座上少年問之按其數曰鍼工也一座驚服嘗爲一諸生占一

數日時惟辛卯歲折得桂枝歸已而果驗

朱廷雅字恆源代府宗人也甚有巧思能集晉唐諸家書刻之咄咄逼真所摹勒石軍行書尤工邊旁湊合轉折向背毫髮皆肖足迹半天下所至必有手蹟峨眉山銅碑尤推獨絕任榮大同人世業岐黃至榮益精尤好神仙術宏治元年年六十無疾卒踰年鄉人陳守過陳州見榮施藥市口大驚曰翁無恙耶榮曰然固未死也嘉靖壬辰大同黃令婦翁張某遇道人於伏牛山曰我大同任榮也公去某口當與小孫會幸傳道之異日果晤其孫言盡符萬歷二年大同張省祭抵湖廣艾御史所艾家人經武當山見草菴中道士兀坐謂之曰爲我告張省祭歸語任榮子孫榮俟宮殿畢或當歸也言畢忽不見凡三露蹤迹云任服遠者榮之後亦以善醫稱有

人病垂死脈絕醫相顧愕眙莫敢措手服遠最後至診之曰此轉關脈也脈在肘間一藥而愈其神妙多類此

連步雲陽和木工也遇異人授符呪禱雨立應耳著銅環袖核桃搖動應聲起霹靂雷足乃止隆慶末大撈步雲令家設鍋蓋於門蒙以白紙上書青天白日不三日遂晴病者乞符亦多愈

韓守陽陽和人貌甚陋語言不倫常若頗魔狀每到酒家必乞一甌少客弗餘也有劉氏子樛蒲落魄乞憐於守陽令取家中酒壺爲作法一夕變成銀時偃臥大雪中蒸汗如雨鼻聲聞數十步見者異之後不知所往

師綦應州人景泰時製銃有機頃刻三發及三百步外俱試

有驗

以上大有驗同府

張邦烈遼州人濟甯府通判工書法學使當稱爲三晉第一
陳善言沁州人精於數其言休咎莫不奇驗吳文端公母善
言姪也六七歲時善言卽決其必大貴其嫂氏聞母病甚危
急歸甯恐不及見問於善言善言曰嫂去村東當遇一狼驚
墜驢狼卻顧而走則母必愈嫂不之信及行里許遇狼驚墜
狼果卻走至則母已起坐無恙矣嘗曰我命當餓死三子俱
非我子孫終當爲我孫已而三子果以貧極出繼他族善言
病噎不食死越數年其孫乃復姓爲陳氏其數之精如此然
其平日未見何所學亦不輕爲人卜也有巧思或截葦吹之
聲若洞簫然

以上遼
沁二州

呂瑛平定人義裔孫精醫爲醫學典科天順間召入侍御藥
局名動中外後請告卒於家

李良貴字廷爵孟縣人祖福全農夫也遇異人授以鍛鍊之
根之術且曰爾後世子孫必致位公卿父鎮繼役營建有勞
官文思院大使母陳氏感異夢而生良貴性穎悟通經史正
德甲戌授文思院副使嘉靖間轉營繕所所副建大工屢蒙
賞賚歷通政使疾卒賜祭葬

任復亨字元仲平定諸生家貧工書法備四體精於篆刻尤
善琴操時有九省軍門某駐宿柏井驛聞琴聲延入館禮之
命侍者以絳襪足竟夕相對爲奏數曲擊節歎賞後軍門卒
於邊復亨重知音數千里往哭焉論者以爲今之伯牙云
張允中字道宗忻州人正德己卯舉於鄉知大興縣醞籍有
文書法道美

林春字孟陽代州人工古文詞且精書景泰庚午領鄉薦授

應天府通判性酷好書每暇輒摩墨伸紙揮汗呵凍不輟字體清勁迺麗得者皆珍襲之

王順胡良保德州人善繪事永樂時建太廟徵天下畫家詣京師良順偕往繪畢成祖往觀以手撫順肩稱賞不置

焦桂芳保德所人精於醫名滿秦晉

以上折代保三州

馬繪安邑人精陰陽術永樂七年以薦辟授禮科給事中終

欽天監監副

全寅安邑人少警性聰警學京房易占斷多奇中英宗北狩陰遣太監裴當問之寅筮得乾之初九附奏曰龍君象也四初之應也龍潛躍必以秋應以壬午歲歲而更龍變化之物也庚者更也庚午秋車駕其還乎還則必幽或躍應焉後七八年必復辟午火德之正也丁者王之合也其歲丁丑月壬

寅日壬午乎既而額森復入寇石亨召問休咎寅筮之曰無能爲也且彼氣已驕我戰必克果敗去及英宗還居南宮指揮盧忠上變妄言請寅筮之寅叱以大義曰是大凶兆忠大懼佯爲風狀後英宗復位授錦衣衛百戶子孫世襲以上解州王敦聞喜人偉幹修容能詩宏治間以天文授欽天監臺官與當時名公倡和胥推重焉

梁承齋稷山人大書二尺以上最有名行草小書疎爽不密而無俗氣

陳璉字宗器稷山人善繪山水成化中由布政司都史除金吾右衛指揮使經歷升趙州判官子嶂孫桂能世其業朱梭權絳州人有草書杜律行世弟梭栲梭樹亦工畫朱充鉢絳州人精岐黃術工詩有草書千文石刻行世

黨玉岡絳州人姚平山弟子也工繪事

羅秉禮字縑卿絳州人善醫鍼法尤妙能隔衣行鍼在都時人號神鍼羅

王復九絳州人善草書莊烈帝甚賞之謂有北人勁氣嘗下御帖令草數幅以進

周輯字瑞五絳州人居家孝友不求聞達能以指頭作畫得

者珍之

以上絳州

賀良爵隰州人初爲郡諸生後慕道歸隱與物無競以道自繩人咸重之通星相醫卜之術尤精於易能預決通塞萬歷丁巳春夏亢陽良爵登東山祈禱食不下咽衣不解帶七日而雨麥禾成熟州人德之攜帛酒旌酬不受

右明五十七人

又七人附見

國朝

王适字古弦陽曲人偉幹修髯善飲酒終日夜不醉工墨畫
初宗紹秀晚彌雄蒼傅青主嘗贈以詩又有曾昂者工畫山
水青主與之交稱云晉陽兩畫筆城外雙塔俗云兩畫筆竟在曾阿六
家也

陳謐字右泣陽曲人聚徒汾西妙解醫術與傅徵君爲友
梁檀陽曲諸生少聰慧工繪事凡山水人物花鳥靡不造微
書亦孤潔秀峻自標一格家貧居南關小齋傍水號蘆鶯傅
青主偶訪之見壁間琴上有燕子巢結焦尾爲賦燕巢琴一
篇遭亂避居西山一年有卽事詩畫手卷惜不傳

郝異彥字太素陽曲人明末官淮安外河主簿善畫美人花
草翎毛又能平遠山水子雲鵬亦工畫

趙文徵字鳳白陽曲人工山水畫絕不用丹青家蹊徑傳青主稱其產於筆底拔出欽崎落勢真奇構也

王延年字鶴亭陽曲人每垂竿文瀛湖工丹青翎毛花卉如生尤工寫真求者無虛日

王長樂交城農家子也十餘歲入山採樵遇老人汲泉灌地長樂口渴求飲老人以手掬水飲之從此心地明澈見書卽解且膂力過人通拳勇以濃墨畫大幅山水及牡丹尤擅絕一時每與人言輒中村人間晴雨悉有驗而不輕言休咎年登大耋自知死期臨沒鼻垂玉柱尺餘端坐而逝

趙鶴字白山榆次諸生矢志孤高制行精潔草書法頗素畫竹蘭亦以草法行之嗜古法物及金石文字間爲詩自娛喜闡揚人善潛德幽光表章不遺餘力年旣耄力學不倦憑几

展讀之餘猶日作書畫數十紙得者珍之

康文鐸字聲山興縣人嘉慶庚申舉於鄉以校官用中懷抑塞託藝自遣遂精於占卜尤精六壬名譟京師林清之變

宗詢問朝士孰爲精數學者軍機大臣以文鐸名對立

召使占得課敬呈後果應遂拜文綺之

賜至今子孫猶什襲珍藏

趙澈字繡章陽曲人工於繪事能詩每成一畫輒題以詩情
逐趣生多臻敏妙

閻南圖字搏九榆次人自負雋才多藝能工詩善畫尤愛雅歌興到時攜紫簫坐水石林木間吹之翛然有出塵之致
孟介臣祁縣人工篆刻因號石夫嘗遊京師名盛著

呂肇勳祁縣人善鍼砭病者日集於門勸飯之施治終日不

少懈愈輒酬以花木有董杏林風

呂致中祁縣人精醫學著有脈理祕訣

以上太原府

賈鉉字玉萬臨汾人工竹石及折枝花喜用瘦筆乾墨風味澹逸若不火食者通守黃州嘗畫竹題識鐫諸石置赤壁又畫百石圖奇詭盡變見稱藝林韓慕廬朱竹垞並有題識

吳琦字魏公襄陵人性孝友風期簡澹讀書以古人自期旁通陰陽術數琴棋篆籀弱冠客揚州一時名流皆與交未幾卒

吳燧臨汾人善書邑匾榜多出其手嘗書關帝廟春秋樓三字高丈餘醉後縛帚爲筆信手揮成墨滂淋漓識者驚歎疑有仙助乙亥之變燧於祝融咸惜之

高之楨字柱廷襄陵人義士永子書法剛勁

李根暢字涵初襄陵人嘗遇異人授青鳥術魏文清公大奇之又受知於王阮亭一時名重都下王侯爭爲前席莊親王以山水引年賜之名公巨卿贈詩文滿篋

楊快基字復菴別署石樵洪洞人以貢官六安州知州工書善畫有竹蘭譜石刻尤工翎毛年八十餘猶揮毫不置

周世德字繩武洪洞人布衣工詩畫善彈琴時臨汾賈可齋觀察嘗畫百石圖見稱藝苑因號百石翁世德更廣其法取千文爲號一字一石爲千石譜欹崎變化極秀逸蒼寒之致譜出而百石之名頓減遂自號爲千石道人乾隆中劉侍郎秉恬恭祝

皇太后萬壽取以充貢內廷臣工咸稱賞焉

左見龍翼城人少業醫長以其術遊京師會太醫乏人或薦

之朝試以銅人鍼灸多中遂供職院中其後醫宮嬪輒效御書眞國手匾以賜之未幾卒於官

薛仁附字青槐曲沃人精於醫術遇奇疾以意治之無不驗一達官病喉痛易醫屢矣仁附獨問病前何食曰食鴿因笑曰得之矣藥之立效問其故曰此半夏毒發以鴿多食半夏故也一婦臥牀三日不醒仁附以爲血漲然藥薰之遂醒及叩婦曰吾夢人持盆灌之其神異多類此

衛侶瑗字友玉曲沃人精於脈理能決人生死友人劉某方娶婦侶瑗曰婦昔有疾吾診其脈矣五年後必死已而果然爲人謙謹老而愈恭著有家傳纂要鍼灸全書賈舍人鳴璽爲之序以徐秋夫稱之于鋪能世其業

劉綽堯字念唐曲沃人工書畫筆意清疏澹遠頗類趙文敏

縣志諸圖本其遺蹟

荀子長臨汾人善書尤工畫舊志各圖俱出其手

毛聖宗臨汾諸生性雅潔溫厚人喜親之以精書法工山水名於時

孟兆泰臨汾人性淵雅幼好丹青壯遊吳越卽山川爲藍本遂以畫名於世

許筠字漪菴曲沃人書法蒼老於畫尤精所摹山水人物無不入妙善飲工詩年八十四談笑而逝

賈振字玉聲太學生陝西巡撫漢復曾孫也好琴工篆刻尤精於書於帖無所不臨皆得神似嘗摹蘭亭十七帖洛神賦得者珍之

秦柏齡字永年曲沃人家貧嗜讀書善丹青凡所摹畫無不

精妙自號醉眠散人賈華平爲之傳

孫夢祥太平諸生精堪輿家言絳州尚書莊在九原嶺求水艱難相地穿井得甘泉爲人相墓亦多驗年八十五卒

儀靖字則厚太平人性聰穎工書法家甚貧以鬻炭給口食侍親赴揚州貿易暇時仍理故業日與鄭板橋沈學子閔蓮峯俞楚江袁子才蔣心餘相往來以是學益進書法益老官揚州鹽大使註誤被劾著有不堪回首詩三十首

任世興字東嶺臨汾諸生性狷潔工繪事遊京師聲名藉甚名公鉅卿爭購求之而每自矜重不多作有權貴欲招致門下世興曰吾不能以筆墨媚要人謝之遂齋世興將中以危法乃微行去晚年好畫驢自稱任驢云

王超臨汾諸生善書畫山水翎毛兼擅其勝自署松南逸叟

同時崔俊字梅軒歲貢畫菊稱逸品

郭毓湖字夏珍襄陵武生工宋元山水李祥龍字瑞夫山水亦具宋元法水墨葡萄尤稱精妙

喬佔峯襄陵諸生善墨竹有與可風又諸生吳攀桂李調元俱以善畫名又有徐璵者嘗寫鷄聲茅店月詩意名諫一時李克正字端助自署梅村洪洞人博雅嗜古工詩善篆刻尤長於分隸客濟甯與黃小松司馬善嘗共遊嘉祥之紫雲山得漢武梁石室畫像多洪邁隸釋所未及者小松作探碑圖一時名流如翁覃谿桂未谷皆有題詠晚年歸里取手拓古碑八十餘種仿歐趙例編次爲冊頗資考核云子學會字省齋有印譜行世學高字愚山亦工篆刻所藏金石書畫甚富嘗拓鏡銘成冊手自箋注籤題印文並皆精妙羅蘇溪督部

時守平陽以三絕稱之

劉秉慎字謹堂侍郎秉恬從弟也性淡泊高雅絕倫工琴及篆刻鑑賞書畫並極精審嘗闢萬卷樓聚所得圖籍儲之插架列几皆祕珍也著有謹堂印譜行世子寶箴亦工畫

李允中孔昭謹並太學生草隸八分俱臻工妙張爾中亦洪洞人入武學以善書名

王履豫字介石翼城人乾隆戊申舉於鄉官絳州學正天姿卓越工書畫晚年書益進在絳時書試院楹帖每學使按臨皆歎賞之

李質醅字厚菴洪洞人博雅好古工書畫尤善擘窠大字及蘭竹又得鍛銅之法尋常鑪器經其手玩光彩奪目著有燒鑪新語慷慨好施嘗寓滎川有德於人滎人爲建祠肖像祀

之弟質明亦工畫竹

蔚友誠字寶符洪洞人善寫真兼精花卉書學懷素亦得其
似子正茵字蘭湘郡文學工擘窠書

申有容字子休洪洞人丹青不名一家尤善寫真一時名公
巨卿皆爭聘之以太學生終孫希儀能傳其法太學祁友誠
受業於有容寫真外兼精花卉其書仿懷素亦得其似

李秉義字怡堂洪洞人以諸生貢太學工書真草八分俱稱
獨步嘗濟南題趵突泉額鐵文敏公保故善書見而奇之名
遂大譟

王端字臨莊洪洞人援例入太學工詩尤善書畫客遊燕趙
齊魯間所至必交其賢豪嘗寫梅竹大幅著色牡丹自題詩
其上見者以三絕稱之著有寄傲堂草弟誼字子春能刻畫

金石有草堂印譜二卷子葆光諸生傳其畫法從子謙光亦工篆刻

范長年字松友別署畫弼山人王端弟子也畫山水時仿米家王存心者端族人特工墨竹

焦立志字石顛翼城布衣號邈邈山人性豪逸工畫山水人物樹石得元人筆意游吳會中州所至士夫傾倒子騰鳳傳其法

焦騰鳳字文起少好學通九章術兼工寫真嘗著句股圖解年踰六十矣無知者安邱王萊友宰鄉甯乃攜書往謁萊友奇之謂可補宣城梅氏所未備卽出資刊其書禮爲上客時南海朱子襄宰襄陵遼東多雯溪主講平陽皆喜爲古學萊友令騰鳳繪怪朋圖四人中惟騰鳳爲布衣白是名動當世

未幾辭歸別著九數遺義一書尋卒

王延皓字東生翼城人少入武學儀幹脩偉以墨竹擅名自號竹齋好吟詠每畫輒題一詩書亦天矯秀逸自成一家客關中最久求書畫者踵接所與交皆一時名流

王成金字照石太平人天姿高邁幼有畫癖得名家指授獨居姑山十餘年所業大進山水多仿元人花鳥得恽南田法性孤介非其人不爲輕作人益珍之兼工剪貼名諫一時蘇文炳字虎文太平人性傲岸書法古勁晚年精習朱子體點畫畢肖足述幾半天下無之不留筆墨

董九成字鳳儀曲沃武生恂恂如文士工岐黃術著有傷寒心源趙懋功亦以騎射隸學官籍善風鑑決休咎多有奇驗周克雍字簡如曲沃人父楚韞善治幼科克雍少補諸生讀

父書遂精其業求者人無貧富時無寒暑悉有奇驗百不失一著有豆珍易簡錄集驗良方子湘亦傳其學

王輝字友石臨汾諸生工書畫兼精篆刻

張銀字半嶺臨汾諸生工山水家貧而性廉介不輕爲人作晚益窮困泊如也鸞九皋字鶴鳴作山水筆墨蒼鬱又諸生李士奎畫多蘆雁客江南以老

崔景芬字邵先臨汾諸生精醫通堪輿術張永年李古魁並諸生皆以善相宅墓得名

彭鑾字曉荷臨汾人穎悟好學能詩於天文地理皆所通曉工篆刻尤善鼓琴官蘭州府通判著詩草尺牘星象醫卜等書而諸生趙銘精卜易晚得導引術或言仙去

吳克溫字卓菴臨汾布衣性沖淡不求聞達善書學十七帖

人多寶之

張慶字善齋襄陵人專心醫理尤精治瘍著外科決勝二卷
范紹易字連山襄陵人精岐黃術活人甚眾

喬行可襄陵嚴貢性超軼居鄉喜排解於醫有神悟遇危證
一診脈但許可醫雖垂死亦應手而愈著有脈訣辨微

劉枋字穀山衛仰璠字與如任良弼字鶴友並洪洞人均善
寫生而枋並工山水名重齊魯間又諸生董廷翰字墨仙能
自描人物開作巨幅亦絕技也

劉鑑字秋舫洪洞人少負詩名瀟灑出塵家蓄古琴松雪故
物也里中苦無操縵者乃攜遊江南歷十年學成自譜松雪
操以記之識者擊節書宗蘭亭又能左筆亦奇也著有秋舫
吟稿

劉以衡字芷坪洪洞人善繪事工篆刻書仿魯公時作飛白
皆有逸趣晚年研究醫理恆施藥濟人

邊鉅賢字樂昌曲沃諸生品行端方能文善書尤工篆刻
李軒字華亭曲沃人性淡定工書善畫筆意極肖董文敏
蘇仰伊曲沃諸生因母病專心醫術老年更精遠近求診者
雲集從無德色年逾九十卒李彭齡少好學有幹濟才父兆
庵故名醫彭齡肄業及之遂稱國手以廩生貢太學以終
李從泰字亨齋著有纂要傷寒金鏡錄三十六舌法董纘譜
箸脈理入門皆同時以術名者

郭銓曲沃人工於篆書其後有附貢趙國柱者亦能篆喜刻
畫金石

衛捷鋒字若洲太平人性敏善畫山水多仿黃子久倪雲林

沈石田諸家人物多仿錢舜舉戴文進花卉則兼黃筌徐熙
二法然不多作故流傳極少

賈子竊字仲良號菊禪浮山諸生以繪事著名於時工山水
氣韻深厚得元人法而尤善於畫菊水墨寫意爲黃花別開
生面間或佐以竹石縱橫跌宕揮灑淋漓妙品也家貧晚年
以畫游於臨洪襄翼間卒老死於牖下

吳江元字襟三太平人道光中鄉薦能詩善分隸尤工篆刻
有澹園印譜二十四詩品印譜行世

賈永字壽山太平人性嗜古篆刻尤工有松園印譜行世
王宗炎字已峯太平人通天文推測之學咸豐初言粵逆必
入晉境至三年果驗後遊隴西時測西方不靖遂束裝行每
有寇警輒望氣知之究心武略嘗手錄武經自爲輯注名曰

審鵠

以上平陽府

趙興運榮河諸生明天文王遁之學言事多驗順治初御史劉達按蒲州聞其名遣使道意欲延入幕興運不見而去王洪基榮河人習地圖通九章法縣自明季兵燹後戶口寥落田畔混淆康熙中洪基集村人同善算者逐段丈量繪爲地冊低離畸零悉具於圖呈縣用印以示不易其後他村多以田土興訟獨洪基所居王顯村懸百餘年無起釁者張無妄字必隨臨晉人父璈蒲州文學逆閹之變以身殉無妄與母旅居芮城讀書甚力後家於縣之平豪村精通脈理治疾多驗爲一時名醫著有傷寒條辨要解本草便讀張積素猗氏人少嗜畫師鄉先達王含光遂深悟六法惟工山水嘗摹輞川及太行圖爲賞鑑家所稱晚年間爲花草禽

蟲悉生動多致年逾八十卒

張廷旂猗氏人善占往往未卜先知問者雖不識輒留飲食或金帛求之轉不可見其占詞或數字或數句初多不解事過輒驗竟莫知其操何術也

楊斌字全臣猗氏人少讀書因父病耽心內經遂精於醫無貴賤一視之出入官府有以事求關說者拒弗許前後縣令皆高其行著有類方三訂病機總鑑諸書

樊希先字伯雍虞鄉人授職州同潛心醫學尤深於傷寒條辨每視病診脈盡言無所諱故人以為慈有醫案傳世

劉漢鼎字爾鹽虞鄉人工書畫畢妙一時與猗氏張積素齊名並精畫梅自署素位山人亦即曰梅公老愈邁健八十後猶手寫別署九九叟今尤不可多得

李則星臨晉人精易理善卜筮村人某亡牛就占之李令晨起向南而直行遇白衣婦人騎驢者問之必得某如其言果有婦策蹇來一人遙伴送之某驟問婦見牛否婦不答方再問而伴送者已至前矣問其無賴揮拳相向某懼奔逸倉皇間投一廢園則牛在焉其奇驗類多如此又精於醫亦應手取效

李興讓臨晉人爲諸生好讀書旁及堪輿家言尤精於奇門有所悟輒筆爲書其徒請以付梓興讓不可謂數學不出理學理學未明可言數學乎蓋不欲以術名也又縣人王世魁者習天文之學得管輅輯要一書每夜觀星象畫繪星圖久之遂精占驗道光乙未言晉省必有兵革應在三月己而果有趙城之變

李修文字藝圃臨晉人道光乙酉拔貢殫心博古賞鑑精確
筮仕爲兵部郎中曹務多暇益得肆力於考據收藏金石書
畫甚富精於篆刻蟲迹鳥書無不畢肖得者珍之

陳暨均字正平猗氏人郡文學研精醫理所活無算慨慷尚
義教授柴卒於官貧不能治喪倡集同學各捐一歲之餽賻
之以歸其柩卒年八十又孫懷玉祖父並以醫名懷玉傳其
學所業益精求診者無虛日未嘗索謝以增生貢太學授徒
鄉里以終

楊玉乾永濟人精內科每製方寥寥數味藥品必親勘效如
神尤精脈數年後生死決於指下有手鈔方書數卷皆生平
歷驗之方精微之論今不傳同族楊光庭者製方亦類玉乾
而尤精外科鍼法神妙敏捷其後有監生李維楫從九崔允

迪皆以能決人生死得重名然脈家斷生死易知病難流俗所稱爲神明者每多在彼

朱永爵虞鄉人太學生得金鍼撥眼術有名雍豫間

楊岐正榮河人通堪輿家術尤精於醫家不中貲而性喜施予遇病就診祈寒暑雨弗避貧無力市藥者輒代爲籌之崔登泰者居鄉有行義亦善岐黃之學應答無虛日嘗曰余無餘貲濟人區區薄技又何吝焉

王禪榮河人少補諸生負才名經史而外兼精醫學切脈立方應手輒效里黨無力市藥者則備丸散給之累舉不得志循序貢太學以終

樊紹閔字孝先永濟人以騎射入武學工詩著有嘔血集善墨竹彷彿鄭板橋筆意名重京師少游於秦獲利萬金不營

生產悉以周貧乏喜讀書重文士交游徧關陝岐山羅石才

贈以詩以李將軍比之

以上蒲州府

宋弼宸長治人少孤爲人牧羊霍山中一日失羊羣牧皆傍徨失措時宋年十三獨入深山求之行二日見一老僧瞑坐石窟中四無人跡僧面生黃毛寸許心知其異跪陳顛末僧張口曰爾羊固在須中秋可得今且歸矣宋出告羣牧及期約伴往果得羊又溢四百頭眾議鬻其溢者得百餘金旣而分金不平遂聞之官官盡歸其金於宋其徒王乙者利其貲致宋於家作爲權子母夜令婦入室誣以姦而逐之宋失貲無所依乃復入山行久之見一茅菴別有一老僧居之泣拜告以故請留執樵爨許之老僧不甚食廚中所有惟燕麥芋魁食之遂不饑居五載僧遣之宋請留僧曰子謹愿奈鈍

根何視壁上畫古丈夫五一正面一側面一背面二人偶坐其旁曰子曰目此骨節寸寸皆須留意宋茫然不解所謂第曰坐卧其下夜夢二人自壁下指示銅人穴道脈絡甚悉宋忽豁然有省一日僧遠出留宋居守則虎狼蹊迹交錯於菴之前後越七日僧歸謂宋曰山中檀越家邀我誦經汝當隨往比行及半途又謂曰汝且止此聞木魚聲乃來迎我宋候移晷饑甚蹢躅往覓道阻一河河上有翁嫗視二童子汲者叩師所往曰此無人居安得延師誦經宋不得已渡河而前峭壁插天更無蹊徑倏聞木魚聲在北山上馳赴之又聞在南山顧視日已哺有虎百十餘咆哮而至急趨投翁嫗所木柵石屋亦有鷄犬翁出叱之羣虎皆弭耳去招宋留宿啖以燕麥粥味爽則身卧大石上屋柵皆不見驚愕久之遵舊路

欲返持中道逢婦人井汲而絡其背問之則跌傷折骨宋審其穴脈試按摩之應手而愈延至其家飲食之自是爲人按摩卽骨已破碎無弗愈者久之娶妻生子巡撫都御史圖克善雅重之欲爲其子納栗太學不受亦不受人一錢今在福山王尙書第年七十有三矣見居易錄

栗三台長治人少讀書明大義善病因攻岐黃術素問難經仲景諸書無不窺其微旨遂成名醫

李玉玠長治人工摹印秦漢篆文講習精熟年八十猶能雕鐫小篆

廉世官長治武生銳志方書尤精痘疹遠近皆爭延之遇家貧更爲憐恤雖昏夜風雨不辭故全活甚眾辛丑饑知府邱委以賑濟人多德之

管石麟字玉書其先甯波人父某游藝潞安因家焉石麟負
奇材善丹青工花卉羽毛尤長於寫意山水逼雲林而人物
則取法小仙士大夫間其名者多折節相交石麟每與抗禮
其志節不可貶亦高士也

周汝明長治人善六壬凡卜迷失之物言無不驗一日赴壺
關偶憩道旁見一老人入麥場中語家人曰休休未時有大
雨汝明日雨當在場西四十步外老人奇之款於家雨畢出
驗果如其言

劉繩武字象賢屯留人專心堪輿之學一日偃息樹下遇異
人指授業遂精營之沁州道經襄垣之太平村遇村人邢某
語以多備水器某從之其夜火起即時撲滅羣驚爲神子德
懋諸生傳其學又習醫卜亦多驗

陳芳屯留人精醫學遇奇證以意施治多有愈者酬以資謝弗受

蔡開周長子人精醫術遇傷寒不輕醫醫無不效

劉天名字文燦長治人以年躋九十

恩賜七品頗知書精堪輿術家貧樵爨爲業忠厚性成人樂就之壽一百三歲無疾而終

丁懷字玉田長治人太學生議叙九品世業醫至懷益知名尤長於傷寒咽喉諸證嘗論辨藥性脈訣經絡著有醫學篇子孫猶傳其技

李騰龍字耀雪長治人習堪輿且精於醫性廉介慎交遊雖以藝名而視世之蠅營競逐迎合勢利者蔑如也著有聞見錄十六卷皆勸善規過之語卒年七十七

陳懿典字敘五長子諸生少孤貧事嫡母孝夜讀之膏火恆藉他館之光以照字後業醫期望施藥有負者不責償嘗言醫爲濟人豈利藪耶

和又清字介夫長子諸生精岐黃術惟以濟人爲心復究堪輿之學爲人卜葬亦有驗

李彭字永年壺關人伉直有氣概事親以孝聞因母患足疾遂究心於醫有延請者一視之不以資財計也年四十餘無子一夕夢人告曰爾命應絕嗣以活人甚多當得子矣醒而吳之妻楊氏年亦踰四十素不育是歲竟生一男益力行不怠以耆壽終子世泰諸生

郭豐裕壺關人業賈遠於醫造請輒往不以人異也晚年行益力時蓄藥餌以濟貧困以太學生終

殷天一字六成長治人生有異稟讀書日數千言能左手作書尤精醫卜以府經歷需次湖南道光季年土匪滋事天一上書大府陳勦撫機宜多所採用未補官卒

胡景虞字姚墟長子人性敏捷博覽通醫學及堪輿之術造門禮請無弗應者未嘗要挾重幣也以歲貢終

李佩華字子實長治諸生幼讀書有大志以濟人爲心工醫於方書靡不參究活人無算年七十餘無病而終

劉士箴字子超武學生以醫名又有靳壯猷者布衣鄉人某得危疾醫皆束手壯猷至一藥而愈謝以值卻不受

羅從可字猷之長治人幼劬學每覽書必覃思精研溺苦至忘寢食以事親故遂深於醫時醫林改錯初出泥古者嗤爲妄喜新者驚爲神從可乃撰醫林酌中一卷以矯其偏而善

用之所言多驗以貢生注選訓導未仕卒

侯寅昇字炳菴壺關人少任俠喜拳勇與人處無畛域父故善醫寅昇繼其業技益精求診者無虛日同治初捻逆方熾寅昇嘗攜家人豫道遇數賊連斃之卜居豫之某縣村人方議築寨禦賊卽捐資爲倡大姓某患腦漏垂危延之診治一藥而愈酬以千金却不受

趙興仁壺關儒家子也精堪輿之學年踰八十卒

馬聘登字學優善醫問病者戶外屢恆滿鄉里重其行義遇

有爭訟得其言立解以耆壽終

以上潞安府

賈聯珠字文光汾陽諸生善書從海甯陳太守亦禧遊得其指授尤工章草

楊珏字雙玉汾陽人雍正中舉於鄉官聞喜教諭負雋才豪

蕩不羈詩仿蘇陸書法亦以晉唐爲宗蕭散古淡楮墨間有逸氣或諷以學趙文敏及董思白者夷然不屑也忤上官投劾歸年踰八十卒

劉執德孝義人讀書精醫學好施藥餌有同祖弟某幼隨母氏育於他姓執德召之歸分已產爲立家俾嗣宗祧以歲貢銓夏縣訓導有賢聲

張新政字雍圃介休人康熙戊戌武進士授侍御乞病歸築靜觀園居之焚香鼓琴自娛工書篆隸有傅徵君筆意子聖訓聖言聖詔皆以書名聖詔字蘭谷兼工詩畫著有敦說草堂詩集子之綱尤工篆隸得者多什襲藏之由道光壬午舉人官至內閣侍讀

張太亨字琴齋介休人善擘窠書匾榜徧邑境同縣以書著

名者又有王書常李郁章梁自謙任定楊蘭士馬星輝孟大愚郭琇岳光字郭瑞石張淇澳燕輔周諸人

董綬字菽園介休人善丹青饒有筆力又縣人孟培桂工於寫生任謙字六吉畫士女豔麗無儔有藏其羅漢來朝摹本者允入能品黃錦雲肉吏之賤者也撥墨作葡萄垂垂有生趣亦奇

趙世雍介休人工大小篆邑中碑版多其鐫刻摹印尤工而不輕爲曰不願以一藝自見也

張一謨永甯人治疾遵內經懸壺城市不計利遇貧則施藥不取資有以親疾求醫者尤急於療治嘗曰世人知重妻子彼以父母爲重吾可不因其急而急乎

張思信字好古汾陽人雅好詩並嗜丹青爲富商主計索官

逋遊四方所至士大夫皆倒屣迎詩畫名甚著老年訓蒙里門長於辨字叶音不廢吟詠卒後遺稿甚多

馬萬海汾陽人授職州同習外科手製藥餌有延之者風雨晦明立往視所患與以藥性豪車騎恒置外廐供鄰里騎載廳事前羅列茶鐺鑪火任人取飲云

郭擇仁介休人善治目翳有患數十年內障者鍼之即愈子志恩志德皆傳其術

魏國欽孝義人惇謹篤於天顯孝友之聲溢於閭里酷嗜醫學精於鍼灸延請者雖暮夜風雨無不立赴應手而效未嘗一受饋謝甘心淡泊人尤難之

以上汾州府

趙嗣美字伯瞻澤州人順治丙戌進士歷官福建僉事有能名工畫山水隨筆揮灑皆胸中邱壑有自然之趣

成端人陽城人少究六書研講形聲著四書五經字學考又工楷法陝西巡撫賈漢復以石經歲久摹搨者眾字畫多損延端入補書其缺而更刻之

王好生陽城人因病棄儒學醫求其門者踵相接活人甚眾博覽羣方每有心得輒爲編次泰二其仲子也紹其業尤精脈理以孝友聞其兄師二客死陵川字其孤並代償遺債云陳政字在衡陵川人寓居於黎雅善繪事寫竹石尤工書法仿米元章而爲畫所掩頗自矜重非晨炊不繼不肯爲人操筆也其名爲當時所重

郝芳高平人父惠之本家長治以善醫爲縣人所仰賴因卜居城北村占籍焉芳幼聰敏好學父與講論脈理輒領悟長而徧覽羣書無不通貫療治多效遠近延請盈門不擇貧富

人服其德公舉爲醫學訓科

田克岐字秀崖陽城諸生工詩善畫乾隆甲午學使曹容齋按試澤郡出棗南書屋圖集優等生令題句復詢能畫者得克岐立召至令圖册首大加稱賞自是名噪一時

衛永耀字徑千鳳臺人性慧巧善音律工書畫凡醫卜占候形家言以及擊劍拳勇篆印雕鏤刺繡女紅食譜酒經無不通曉詩亦有佳句著有石坪印譜得樹樓詩稿

袁爾梅鳳臺人垣率無文嘗於道旁拾遺金還其主人重其義生平精六壬占驗多奇中其賣卜日以三課爲度備一日所用不復爲人卜雖強之弗告也某紳爲縣令所誣逮赴省禍且不測爾梅爲成一兆曰天赦星照命宮不出十里罪可解行至七里嶺遇赦獲免時以爲天網復生云

譚炳沁水人中歲薄游江淮學皇極內經於葉蓮溪善青鳥之術尤精卜筮隨筆一物令占能知不言之隱決休咎皆驗部中呼爲譚半仙嘉慶初川楚用兵經略延爲上客多所咨訪每一旋里當道寓書招致惟恐失之爲人言詞樸拙貌亦不颺而名譟公卿間軍功例得獎敘力辭以太學生終以上澤州府

張文耀字會公大同人因母平氏痼疾潛心醫理卒致痊可尤精於傷寒遇危急時起死回生郡人至今頌之

高昭大同人松潘總兵鼎季子也隨兄宦遊見刑鞠人輒掩面流涕以故不肯仕讀醫書有神解治奇病多效關南北爭延致之年八十三無疾而卒先一月與家人期如其言

王瑛懷仁人學黃老術築室西山之陽去邑百餘里坐卧一

小樓曰玩煮石餐霞猿經鳥異之說農圃醫卜無不究心足跡不履城市年七十七無疾卒

張組陽高人以諸生貢太學屢舉不遇退而究心古方書尤善治傷寒深得長沙奧妙活人無算年踰七十精力弗衰子雲翼舉人克繩父業名滿朔雲子聰次子明姪智皆以醫名後居大同時稱爲三世儒醫云

張國槐大同人精於醫問杏雨齋居之求診者戶外屢恒滿嘉慶初山廩生舉孝廉方正

郭桂字天香大同諸生性嚴介有才名通曉醫卜尤精六壬每有占斷多奇驗醫術以眼科著年未五十卒時論惜之車載文大同人郡文學性孤介有才精堪輿學尤善丹青嘗以繪事爲黃左田學使所獎晚年益以形家著名

王德馨大同人官廣東守備以武科起家而雅好文翰書法
學董文敏大字尤擅場當事甚愛重每置酒高會令作擘窠
書興酣淋漓落筆皆有矩矱以上大府

傅建業左雲人性謹慤不求聞達工於畫時以山人遊公卿
間未嘗齒及俗事人以爲絕迹塵囂高之

王利仁左雲人善醫尤精於鍼灸好讀易遂習卜筮研精殫
思三年面壁頗有所得家貧性孤介敝衣藿食處之宴如

劉應祖平魯人乾隆中歲貢工書善畫岸然自異不偕流俗
四方求書畫者時至於門然不輕作得其尺幅皆珍藏之上

潮平府

曹更新字煥然遼州諸生精堪輿學著有省克引九疇里數
州牧沈極推重之子之讓克繼父業獨步一時

劉玉章遼州人好學能文尤精醫理能察死生於未病之前百餘年來岐黃之術州稱最焉

劉錫鉞遼州諸生舉止風雅飄然不羣尤善丹青嘗應畫院試擢第二

高緝武遼州諸生性放達嗜酒工詩醫尤有卓識時以不經意方奏奇功嘗有晨斃者已過午矣高適往視脈之知爲酒衝肺命飲白芨末少許而蘇

高山遼州人多力善飯能懸庭柱於空中擲牲畜於屋上山行遇虎曳其尾而戲之與邑人魏國全俱以拳勇鳴於時

李天培榆社貢生業醫尤長於豆疹有延請者雖道遠或風雨亦必往視貧不能具珍藥者則捐橐中金贈之所活無算王彥之榆社諸生品格古峭不諧流俗習青鳥術而不妄爲

人擇地嘗曉人曰地理通乎天理性理卽是地理若汨沒性理雖地理効靈天理恐難昧也聞者以爲名言

以上邈州

孟必達字泰交沁州人善六壬數有以失物叩之者必達曰此四足物非牛非犬當爲貓其人笑曰是也必達曰向東南求之得矣如其言果得州守汪宗魯子歸江南愆期不至汪憂之召問必達曰此蓋問行人也卽至矣汪方在疑似間必達又曰已入北門矣汪益疑之言未已子果至繞道京師果入自北門也汪以爲神頗其問曰前知

張興賢字容眾沁州人恩貢天資敏達博極羣書隱居教授課讀之暇恒研究脈理故醫學尤精嘉慶初學使瑚試潞澤感疾服藥增劇抵沁聞興賢名延之診視曰此爲庸醫所誤徒按時令專尙補益所致也非用大涼之劑補瀉兼施不可

學使出前方質之果不謬別投以劑病若失厚酬之不受匾旌其門

茹桂沁州人授例入太學以醫名兼通堪輿之術尤精於數一日晨起自卜謂當獲錢三千少頃有戚白某邀視疾促之行桂曰姑少待當得一醉之資果復有相延者便道爲診視立方而去次日歸出錢示白曰昨豈妄哉立治具盡歡而罷駢姓者以腹痛遣人招桂桂出門復返曰病者已自盡矣何相欺招者立白非欺桂與方令速歸果如其言一日有客策蹇來迎甫入坐謂之曰君來爲塋地計耳葬已多年何須再問出課示之且告以數世興敗之由客驚異而去由是善卜之名大譟然不妄言禍福有求者則謝之曰人事所在即數所在又焉用卜後得疾親友候者約以某月日話別至期扶

杖出門謂家人曰天氣清明風色甚佳遊觀止於是矣入室而逝

霍迎祉沁州人醫學典術也潛心脈理尤善鍼灸遇有奇證他醫束手者迎祉一診視曰服某方當愈捉劑與之往往應手奏效州守有子病甚延至診畢曰腸癰也投解毒劑復用長鍼入翎管外縛豬膽吹氣盈中札其口從穀道送入推鍼刺之出膿血而愈或叩其術曰醫者意也以意相逆之謂也不出古方不泥古方神而明之細心推勘此中之能事畢矣每療奇疾輒書於紙積久成帙顏之曰救急方後嗣不振遂至散佚聞者惜之

曹九州字培基沁州人性仁恕嘗以醫可濟世潛心推研遂精其術生平審證用藥不矜奇異不重貲財不薄貧人以者

壽終歿後人思念之有仁人良醫之目

郭明威字南宮沁州人祖及父皆業醫明威少補諸生習聞緒論讀方書每多神解遂以術名於世遠近求診者無虛日時楊學博國秦亦以儒醫稱持論相合因取仲景傷寒論商同刪定明著其失爲庸醫泥古妄用之戒歷舉不得志以歲貢終子孫並傳其學

以上沁州

魏秦平定州諸生業醫術於傷寒證尤精傳徵君山深許之甚有聲譽

劉抑之平定人性曠達能詩尤工草書筆勢超逸自成一家嘗爲書京師題其居曰古墨林輦下名卿多所賞鑑中年後妻子喪亡遂厭乘塵俗爲僧於潭柘寺書益奇人以懷素譽光擬之

楊耀祖字丕顯平定人幼得異人汪健陽指授遂精岐黃術
爲當道所重流寓太原與傅徵君善徵君疾非耀祖藥勿噉
也癸卯領解甲辰成進士居京師王大臣咸敬禮之名動一
時

白璉字子華平定人官青州司獄精繪事蘭竹尤勝其題墨
菊詩云秋滿籬根始見花恰從冷淡遇繁華西風門徑寒香
在除卻陶家卽我家寄託高遠非俗吏非及

白存誠字古愚平定諸生工山水畫法出入元人樹石尤逼
肖迂倪遠遊名勝輿到潑墨巨軸小幅得者珍之耽吟嗜酒
脫略世情嘗題自寫秋林挹爽圖云老屋寒侵霜氣高鳴泉
潑潑木蕭蕭友人應是多秋思來酌醕醪破寂寥

祁朝驤壽陽人幼貧不能學族有塾師授徒時往竊聽師覺

而詢之則悉能解說因延入塾中夜輒然香照讀過目成誦
舉嘉慶戊寅鄉試任襄陵教諭工詩賦書法善用火銃及彈
弓有發必中嘗於數十步取溼九彈之黏壁者遠近若一再
以乾者彈之悉符其處邑方山頂有泉涇塞已久或議開鑿
莫詳其處朝驤舉錡卽得其技巧穎悟多類此云

張楷字端木孟縣人精醫術遇病必盡其心不較餽謝鍼灸
尤神效年臻期頤健步若飛壽百有五歲卒

高鴻遠字其吉平定人由舉人官鄉甯訓導精於醫活人甚
眾

張大亮字韞軒孟縣人國學生習堪輿家言兼善岐黃術遠
近延請不令以一錢酬貧者隨證予藥無所靳終其身如一

日焉

以上平定州

李鱣字幼泉靜樂人習歷算於西學深有所得崑山顧炎武與交善嘗論月食由於地影顧採其說入日知錄

梁逢辰定襄諸生善醫貧不受謝或反周之嘗大雪夜有爲繼母市藥者逢辰嘆曰此孝子也急取藥予之其人出花鈿償價逢辰知爲母物辭曰母失釵當以貧自懟是益其疾也亟持去

張蘭阜定襄人遂於脈理樊柳亭因子病急延請施治乘便出學台診蘭阜曰邵君胎癰無妨君脈已空矣今歲十月宜慎之柳亭方強健深啗其妄至期果不起賀建章以微恙請醫語之曰欲用吾藥其在中秋乎亦未及中秋而沒

張德成定襄人世業醫遇貧病必先往病愈不取一錢或更扶助之忻州民某父子患病延之診視須服太黃根汁時祁

寒難取念有老嫗送至欲酬以錢忽失所在服之而愈自是名益噪

韓達學靜樂人廩貢精青鳥術肄業國子監博稽典籍嗜古敏求屢薦不售卒同邑李圖歲貢學優品粹屢躡棘闈晚年精醫術爲時所稱

以上忻州

李靜遠字效昉河曲人父夢見文學靜遠少以貧服賈而辨義利慎取與硜硜自守市罷則篝燈夜讀雅喜臨池草書學篆素生平坎坷抑鬱無聊之況悉以書排遣之晚年罷賈客塞外爲童子師書益奇得者多寶之自號焚臺山人

保德州

毛翊字石菴夏縣人運學諸生古雅絕俗書成一家摹印直追秦漢兼善墨畫

毛增綬夏縣諸生性方鯁精於繪事嘗有富人求畫酬以金

增綏怒取其畫毀之

尉清廉字介園夏縣人善渲染花卉書法尤工

李鵬翼字九搏解州人工山水得營邱北苑遺法乾隆中州縣志諸圖悉出其手即境布景無一複者

毛嘉謨夏縣人精於醫推研脈理預決病者生死百不失一同邑趙含光亦精是術有半仙之目

薛湛夏縣人幼習武技擊絕倫道光年教匪滋事圍之數重湛挺槍潰圍而出竟無少恙

楊遵程平陸人由歲貢官靈邱訓導學優品粹義舉尤勤精醫理門常如市應手取效不受餽遺著有撥迷金針什歸獨居樓上終日持麈尾危坐年九十餘無疾而終

李蒨字頌田平陸貢生事繼母孝喜施予尤精醫理每以重

資購藥爲活人計鄉人善之

以上解州

曹鶴徵絳縣人遇異人授鍼法沈疴宿疾應鍼而起四方至者戶外屨常滿年九十有八卒

賈凝禧絳縣人貢生精越人術喜利濟凡就醫者既不索謝復予以藥嘗慨然曰不爲良相必爲良醫其自負如此

韓光稷山人以儒術通陰陽五行之學於相宅有神授陽湖孫星衍序相宅書備引其說所著有地理或問

史鳳集稷山人性長厚以鍼灸愈病不受謝儀邑令黃嘉其行匾旌之

段春風字子和稷山人賦性謹厚早歲貿易河南得禁方活人無算或酬以貲弗受遠近稱之同邑姚兆魯性孝友通醫術療病不別貧富病愈不較錙銖輕財重義年九十八而終

同治間有梁芝發馬維漢俱精於醫又張洪烈諸生以治豆

證得名著書名養花天依方療之無不神效

以上絳州

曹力壯字志行蒲縣人恩貢相貌嚴肅見者懍然道光二年

疫捨藥施方活人無數又諸生曹俊以鍼灸名是年患疫者

踵接於門應手奏功中夜數起不以爲勞士林嚮之

劉桐字潛園隰州諸生性孝友工書畫平生不干外事閉戶

樂道蔬食不充淡如也

以上隰州

右一百八十八人

又六十七人附見

方外錄上

錄十一之一

山西通志第一百八十一

賜進士出身頭品頂戴兵部侍郎兼都察院右副都御史巡撫山西提督軍務臣張其昌
督監修

二氏之徒史家附入藝術或列方伎惟北魏書專志釋老頗
爲世譏然一代風尚所在政教攸殊據事直書足資勸戒言
代都掌故者賴以有徵不獨道法流別源委具備也自是以
來撰述繁興唐藝文志分爲神仙釋氏二家古德尊師類多
別傳而往往侈陳神異廣徵靈感昌黎韓氏所謂惟怪之欲
聞者降及方乘抑又甚焉山右自清涼演化名著內典五峯
瞻禮大暢宗風至於永樂降真遂啟祕笈南北二宗推爲初
祖固亦談教之淵藪哉舊志仙釋列藝術前凡緇流羽士師
姑女冠士著雲遊備書無別今略仿史法與藝術相次而易

其名曰方外餘多仍舊不與他錄同例者倫類既殊難拘世
法連律及之藉廣異聞不爲典要故非推究所詳也

歷代 漢至宋

河上公者莫知其姓名漢文帝時居河之濱文帝詣問之卽

授素書道經章句

舊志異域有河上村建漢文帝廟

趙昉臨晉人張道陵弟子有仙術後飛昇今永泉里趙昉村

其遺名也旁有昇仙洞存焉

以上蒲州府

王真字叔經上黨人年且百歲視之面有先澤似未五十者
語人云周流登五岳名山悉能行胎息胎食之方噉舌下泉
咽之不絕房室

郝孟節上黨人能含棗核不食可至五年十年又能結氣不
息身不動搖狀若死人可至百日半年亦有室家爲人賀謹

不妄言似士君子曹操使領諸方士焉

趙瞿上黨人病癩垂死有以藥囊授之者服百日果愈後復過視曰此松脂耳瞿鍊服不輟年七十見彩女長二寸遊口鼻間一年女長如人在其側嘗聞琴瑟聲壽二百許顏如童後入抱嶺山不知所終

呂恭字文敬上黨人採藥太行山忽遇三人問恭曰採藥勤苦好長生乎恭拜言志一人曰我姓呂字文超此姓孫字文陽此姓王字文正皆太清仙人也子同我姓復同一文字是有夙緣乃授以方藥遣還家已二百年矣五世孫習亦慕仙隨恭入山俱莫知所之

以上諸安府

長命女西河人武帝時以仙去宋開寶四年有掘地城東者得石碑錢仙降二字泉禱請復懸筆書仙降二字深貫石中

因建聖仙廟豎碑於廟將雨碑必先潤邑傳雨蹟仙碑又傳
武帝時有一童子年可八九歲曰吾居丹洞使往瑯田聞西
河有長命聖女因假而來言訖上升

西河少女神仙伯山甫甥漢遣使者經西河城東見少女笞
老翁翁跪而受杖使者怪問答曰此妾兒也昔妾已老舅氏
得仙術隱華山憫妾多病授以神藥漸復少容今兒不肯服
藥致此衰老故與杖耳使者問其年曰一百一十歲兒才七
十耳尋入華山以上汾州府

稷邱君太行山下道士武帝時以道術受賞髮白再黑齒落
更出帝東巡泰山君迺冠章甫衣黃衣擁琴迎拜道左止帝
勿上上必傷足指及數里左足指果折帝諱之故但爲稷邱

君立祠

澤州府

黃安代郡人貌常若童子服硃砂舉體皆赤冬不裘坐三尺神龜時人間坐此幾年矣曰昔伏羲始造網罟獲此龜以授吾吾坐龜背已平矣此龜畏日月之光三千歲乃一出頭我得龜以來已五出頭矣行則負龜而趨武帝聞其異每屈禮焉及封泰山詔董謁李充孟岐郭瓊黃安五人同輦謂之五仙臣復不知所之府大同

摩騰法蘭中印度二尊者永平七年正月孝明夜夢金人身高丈餘赫弈如日來詣殿廷且令占之傅毅對曰臣覽周書異紀云西方有聖人出其沒千載教當及此所夢無乃是乎上遣王遵等十八人西訪至月氏遇二尊者延請東還以釋迦文佛畫像並經四十二章進披氎觀像果與夢符上以預夢告騰蘭對曰此如來以大法來囑願勉之上問此土豈無

居化地耶對曰此土有五臺乃文殊大士所居攝化無量天龍鬼神然非戒定澄神莫能覩也至次年春禮清涼山回奏請開建伽藍復言山形宛同印度靈鷲山寺宜卽用爲名上以始信化緣加大孚靈鷲寺仍度僧數十居之五臺化宇自此興矣

代州

曹季友河東人入上黨抱犢山採藥巖穴中得金箱九都龍真經若干卷記日月漢武帝時也河東太守張純以經奏聞宣帝召使臣觀之乃武帝常玩讀者詔隨梓宮不知何以至者帝愴然驚愕以金箱奉入武帝廟云

孫博河東人也有清才能屬文著書百餘篇誦經數十萬言晚乃好道治墨子之術能令草木金石皆爲火光照數里有入亡奴藏匿軍中者捕之不得博語奴主曰吾爲卿燒其營

舍奴必走出卿但諦伺捉之於是博以一赤丸子擲軍門須
臾火起燭天奴果走出得之博乃復以一青丸擲之火卽滅
屋舍百物如故博每作火有所燒他人以水灌之終不可滅
自止之方止行水火中不沾灼亦能使千百人從已蹈之俱
不沾灼又能吞刀劍數十枚及壁中出入如孔穴或引鏡爲
刀屈刀爲鏡積時不改須博指之乃復如故後入林慮山服
神丹仙去

王喬河東人顯宗世爲葉令喬有神術每月朔望常自縣詣
臺朝帝怪其來數而不見車騎密令太史伺望之言其臨至
輒有雙鳧從東南飛來於是候鳧至舉羅張之但得一隻焉
詔上方診視則四年中所賜尙書官屬履也每當朝時葉門
下鼓不擊自鳴聞於京師後天下玉棺於堂前吏人推排終

不搖動喬曰天帝獨召我耶乃沐浴服飾寢其中蓋便立覆宿昔乃葬城東土自成墳其夕縣中牛皆流汗喘乏而人無知者百姓爲立廟號葉君祠牧守每班錄皆先謁拜之祈禱輒應違犯亦能爲崇帝迎取其鼓置都亭下終無復聲焉或云此卽古仙人王子喬也

以上解州

張鐵腳漢季遊寓聞喜善服氣冬不鑪夏不扇一足能立者數日人稱爲鐵腳先生立長春觀居之

州

右漢十五人

附見一人

尹軌字公度太原人見晉葛洪神仙傳又甘始亦太原人並見於傳

郝姑字女君太原人徙居莫縣魏青龍間與鄰女十人於滙夷洩水邊挑蔬忽有三青衣童子至前云東海公娶女君爲

婦言訖歎茵褥水上行坐往來如陸地其青衣童子侍側沿
流而下鄰女走告家人往看女君遙語幸得爲水仙願勿憂
怖又云至四月送刀魚爲信四月果多刀魚鄉人於四月祈
禱州縣長吏入祠先拜然後得入祠前忽生青白石一塊縱
橫可三尺高二丈餘舊題云上馬石今尙存

以土太
原府

紫園真人隱居紫園山修真冲舉其遺詩曰閉定天廚只一
呼天罡不動運陰符流精鬱勃歸金鼎鍊出神丹滿玉壺龍
眉子引以爲金丹口訣

鮑姑親女葛洪妻也洪師事靚靚器重之因妻焉洪仙去姑
尙留南海後貞元中有崔煒者見一老嫗蹶破人酒甕被毆
煒憐之代償其值嫗不謝而去明日持艾來曰此越井岡產
也善灸後當遇美麗獲萬緡候不見煒夜行失足墮深穴中

有白蛇赤微如電煒恐怖詣蛇叩禱見其唇吻有疣請灸之
應手而落蛇因吐徑寸珠煒不敢取乃引至別洞見四麗人
其一有疣曰知君有鮑姑艾請留少許以寶珠酬之煒留艾
攜珠以出遇胡商果以十萬緡易去及詢鮑姑乃知爲太元
女葛洪妻也

以上潞安府

慧遠姓賈氏雁門樓煩人年十三依舅令狐通六經尤善莊
老二十一聞沙門道安講般若經豁然開悟遂與弟慧持投
簪受業沙門曇翼每給鐙燭之費太元六年立精舍於廬山
以去水猶遠舉杖插地泉湧時亢旱於池側誦海龍王經有
神蛇浮水俄大雨因名龍泉精舍慧永師謂刺史桓伊曰遠
公方當宏道而貧道所居隘不可處其夕大雨雷震詰旦林
庭廣闊素沙布地楨楠文梓充布上下不知所自至伊乃爲

建刹名其殿曰神運以在永師舍東號東林復興五銘刻於石先是陶侃刺廣州時漁人於海中得金像文殊及移習江州迎像還潯陽舟近而溺師禱之忽浮出迎至神運殿造重閣以奉之製讚曰諸教三昧其名甚衆功高易進念佛爲先旣而不期而至者道生等十八人結社念佛復率衆百二十三人同修淨土業造西方三聖像建齋立誓令劉遺民著發願文王喬之等爲念佛三昧詩以見志居山三十年跡不入俗義熙十二年七月晦夕方從定起見阿彌陀佛告曰汝七日後當生我國卽瘕疾製造誠令歸骸松林之下卽嶺爲墳八月六日順寂弟子不忍露尸與太守陶稱奉全體葬於西嶺素石爲塔靈運作碑以銘遺德張野作序自稱門人宗炳復立碑於寺門以表德業所著號廬山集唐大中二年進諡

辨覺大師南唐昇元三年追諡正覺宋太平興國追諡圓悟

大師疑寂之塔

蘇潛甫西遊日記聞大參為言達公者代州人也公生時其家有井產金蠶芝水忽甘美

異常諸病者飲之輒愈公主廬山而井如故味不能治矣土人思公而新之利曰聖井院日久忘其本質改

為懷煩寺耶邑乘皆不載今為置一主其中云唐人有詩曰空悲廬阜月不見雁門僧其證也

慧持遠公同母弟也幼讀書一日所記常敵十日年十八與

兄同事道安止廬山師身長八尺衲衣垂膝徒屬三百師為

上首耶瑯王珣以書問范甯遠持二公就愈甯曰誠為賢元

賢弟珣復書曰但令如弟仍未之有況復賢耶隆安三年辭

兄入蜀遠曰人生愛聚汝獨樂離師曰滯情愛聚者本不離

出家今既割欲求道正以西方為期耳至成都鄉縣龍興寺

大宏佛法升其堂者號登龍門義熙八年願寂春秋七十六

臨終以東間經籍付道宏西問法典付曇蘭

以上代州

曇恆法師河東人依遠公披剃年十二講說內外典籍無不通貫常有羣鹿馴繞坐隅後入廬山修淨業義熙十四年端坐合掌念佛而化春秋七十有一

石鐘真人芮城人姓陳氏隱於北山石室中室頂懸石狀如鐘故以爲號云一日有蟾負芝草來止石上真人視之曰我聞食芝草卽輕舉然有損於蟾吾不忍爲後蟾復置芝草於地因取而食之又有一野鹿入洞同宿及來京鹿負行李隨之夜夢神人告曰此鹿乃龍也今大旱禱雨爾其收榜黎明收榜入靜室中焚香默禱俄而雲布雨足明日官屬來謝則真人已與鹿冉冉而上昇衆皆以手加額焉

羅玉峰夏縣人爲瑤臺觀開山師世傳其得道爲立祠有碑

記以上
解州

右晉九人附見

寇謙之字輔早好仙道服食藥餌有仙人成公興備贊謙之家謙之算七曜不了興曰試隨興語布之俄然便決謙之歎服請師事之興固辭不肯但求爲謙之弟子共入華山令居一石室自出採藥還與謙之食不復饑繼入嵩山有三重石室令住第二重興曰興出有人將藥來但食之尋有人將藥至皆毒蟲臭惡之物謙之疑怪出走興還問狀謙之具對興歎息曰先生未便得仙政可爲帝王師耳興事謙之七年入第三重石室而卒尋復著衣持鉢執杖而去謙之守志嵩岳精專不懈神瑞二年十月乙卯忽遇天神乘雲駕龍集止山頂稱太上老君授謙之天師位賜雲中音誦新科之誡二十卷號曰並進言吾此經誠今運數應出汝宜吾新科清淨道

教并授服氣導引口訣之法泰常八年十月戊戌有李普文
來臨嵩岳云老君之元孫昔居代郡桑乾以漢武之世得道
爲牧土宮主遺授謙之錄圖真經令佐北方太平真君出天
宮靜輪之法能興造克就則起真仙矣始光初謙之奉書獻
之世祖令止於張曜之所供其食物時朝野聞之若存若亡
未全信也崔浩獨異其言師事之受其法術於是上疏讚明
其事世祖乃使謁者奉玉帛牲牢祭嵩岳迎致其餘弟子在
山中者於是崇奉天師顯揚新法宣布天下道業大行及嵩
高道士四十餘人至遂起天師道場於京城之東南重壇五
層遵其新經之制給道士百二十人衣食齋肅祈請六時禮
拜設廚會數千人世祖將討赫連昌問幽徵於謙之對曰必
克果定夏國真君三年謙之奏造靜輪宮必令其高不聞雞

鳴狗吠聲欲上與天神交接功未成九年復遇設會日謙之
令更布二席於上師坐前弟子問其故謙之曰仙官來是夜
卒須臾口中氣狀若煙雲上出窗中至天半乃消諸弟子以
爲尸解云

法果趙郡人誡行精至開演法籍太祖聞其名詔以禮徵赴
京師後以爲道人統緒攝僧徒每與帝言多所愜允供施甚
厚至太宗彌加崇敬永興中前後授以輔國宜城子忠信侯
安成公之號皆固辭帝嘗親幸其居以門小狹不容輿輦更
廣大之年八十餘泰常中卒未殯三臨其喪追贈老壽將軍
趙胡靈公初法果每言太祖明教好道卽是當今如來沙門
宜應盡禮遂常致拜謂人曰能鴻道者人主也我非拜天子
乃是禮佛耳法果四十始爲沙門有子曰猛詔令襲果爵

惠始姓張家本清河聞羅什出新經遂詣長安見之觀習經
典坐禪於白渠北晝則入城聽講夕則還處靜坐三輔有識
多宗之劉裕子義真鎮長安及寮佐皆重敬焉赫連屈丐迫
敗義真惠始身被白刃而體不傷衆大怪異言於屈丐屈丐
大怒召惠始於前以所持寶劍擊之又不能害乃懼而謝罪
統萬平惠始到平城世祖甚重之每加禮敬惠始五十餘年
未嘗臥或時跣行雖履泥塵初不污足色愈鮮白世號白腳
師太延中臨終於八角寺齊潔端坐僧徒滿側凝泊而絕停
尸十餘日容色不改舉世神異之遂瘞寺內至眞君六年制
城內不得留瘞乃葬於南郊之外死十年矣開殯儼然送葬
者六千餘人中書監高允爲傳頌其德

曇曜有操尙爲恭宗所禮先是太武滅佛法曜誓欲守死恭

宗親加勸諭至於再三不得已乃止密持法服器物不離身
高宗踐極詔復佛法曇曜自中山被命赴京值帝出見於路
御馬前銜曜衣時以爲馬識善人帝後奉以師禮初平初代
師賢爲沙門統

師賢本罽賓國王種人少入道東遊涼城涼平赴京時罷佛
法師賢假醫術還俗守道不改修復日卽返沙門其同輩五
人上親爲下髮師賢仍爲道人統

師子國沙門邪奢遺多浮陁難提等五人太安初奉佛像三
到代都皆云備歷西域諸國見佛影迹肉髻外國諸王咸遣
工匠摹寫其容莫及難提所造者去十餘步視之炳然轉近
轉微

沙勒太安間赴京師致佛鉢并畫像迹

常那邪舍天竺沙門也曇曜常與譯出新經十四部

沙門道進僧超法存等並有名於時演唱諸異顯祖卽位敦信尤深覽諸經論好老莊每引諸沙門及能談元之士語諸理要

道登雅有義業爲高祖眷賞恆侍講論二十年卒詔施帛一千匹又設一切僧齋命代城七日行道并詔準師義哭諸門外以上大同廟

智仙姑永安間副尉智重顯女幼耽空寂年及笄不嫁禍福多前知問之不語一日入山坐化建塔藏之今東南山曇陽寺有仙姑塔忻州

靈辨懸寶山沙門熙平初頂戴華嚴日夜行道於五頂之間足破血流曾無少怠一夕松下坐忽爾心光凝湛見異比邱

摩其頂曰子勤苦且久當以信心入三摩地矣自是一切文字觸目冰釋造華嚴論一百卷孝明帝請於式乾殿敷揚奧旨宰輔重臣皆北面而聽後終於清涼

曇鸞大師雁門人年十四卽出家內外經籍及四論佛性彌極窮研讀大乘經詞義深密因爲注解成疾周行醫療行至汾州城東門忽見天門洞開由斯疾愈欲繼前作願而言曰命危脆不常江南陶隱居者方術所歸遂往從之旣達梁朝居隱居所接對欣然授以仙方十卷還至江有鮑郎子肅者一鼓湧浪七日師以情祈告帖然安靜達魏辭往名山依方修法後至潞州逢三藏菩提留支師請曰佛法中頗有長生不死法勝此土仙經者乎支卽以觀經授之曰修此當得解脫生死也師卽受行調心鍊氣對病結緣流靡宏廣魏主重

之號爲神鸞勅令住并州大寺晚移住石壁元中寺魏興和
年卒卒之日天樂西來異香滿室因出調氣論又撰禮淨土
十二偈續龍樹偈安樂集兩卷廣流於世仍自號爲有魏元
簡大士云

以上代州

維崇之河東人受道於中條山世祖令崇立壇祈請崇云條
山有穴與崑崙蓬萊相屬詔令河東郡給所須崇入穴行百
餘步遂窮後召至有司以崇誣罔不道奏治之世祖曰崇脩
道之人豈至欺妄以詐於世或傳聞不審而至於此古之君
子進人以禮退人以禮今治之是傷朕待賢之意遂赦之
吳邵問喜人導引養氣積年百歲神色不衰

州釋

右後魏十五人

山晉道榮少好道法聞晉陽人大明法術乃尋之是人爲人

家備刀久求訪始得其人道家符水禁呪陰陽厯數天文藥性無不通解以道榮好尙乃悉授之歲餘是人謂榮云我本恆岳仙人有少罪過爲天官所謫今限滿將歸鄉宜送吾至汾水及至汾河遇水暴長橋壞船渡艱難是人乃臨水禹步以一符投水中流便絕俄頃水積將至天是人徐自沙石上渡惟道榮見之旁人咸云水長如此此人遂能浮過共驚異之道榮仍歸隱瑯邪山顯祖尋追往晉陽後至隋初卒阿禿師晉陽沙門乍愚乍智時人呼爲阿禿師齊文宣少時與諸童共見之厯問祿位至帝舉手再三指天而已口無所言衆咸異之

祥雲井州周氏子童年依州僧統靈詢披剃讀涅槃經不期年成誦日持一遍遊清涼棲止大手寺一日見數官服者延

至巨宅雲問之對曰我山神也慕師道行故特奉拔行道七日圓滿神具珍奇爲贈雲固卻不受神卽取藥一莖色如白玉以貽雲餌之遂獲仙還經詢所禮謝不知所終以上太原府

曇榮范陽張氏子通儒術年四十遊上黨居黎城能使猛獸馴狎不復驚人州人迎居法住寺年八十五入寂時稱伏虎

禪師

法聰南陽內史陸機之兄隱龍門山薙坐雪誦經弭虎害人呼神僧文宣帝召見與語甚悅勅建寺曰法華至宋太平興國賜額曰龍門地屬平順縣以上潞安府

淨愍禪師住汾州百福寺

汾州府

張遠遊河東人有道術齊文襄王別置館京師與河間趙靜通等並接禮焉

解州

右北齊六人

惠瑱上黨開元寺僧精嫻內典建德六年禁緇度瑱抱經像徙居岩谷盜謀劫之忽一丈夫乘馬自山巔下曰夜有盜宜急避瑱知其爲神合掌拜曰釋教衰微仰祈庇覆否則守死而已更何所避夜大雪賊不得進及霽盜終不能犯後莫知所終

芊上人修真寶岩寺端居石室猛虎自伏後坐化遺骨甚重其徒建塔崇奉寺在太行山巔俗名金鐙寺

以上郡安府

慧遠澤州人甫六歲投曇始禪師得度武帝召對契合授法座尋退隱藏陰寺注涅槃經成擲筆云若疏合禪理筆當駐空已而果然其疏遂行入隋爲掌教釋經法師

澤州府

檀特師名惠豐飲酒啖肉語默無常逆論來事後皆如言周

文帝遺書召之檀特發至岐州會齊神武攻玉壁檀特曰豈能至龍門也神武果不至龍門而還絳州

右北周四人

空王佛陝之馮翊人也其先出太原榆次縣源渦里俗姓田名志超方孩卽喜禮佛年十七父母爲擇娶不納削髮雲遊至五臺一老人點示曰後當佛矣洞明心地回至介休華嚴寺講經修行復遷縣西滾鐘寺供者摩斯供廚夜感一白兔用鐘取水日供不竭後入縣山仙窟有五龍出聽法懸巖巉峭飛渡而過白鹿白兔競前導至抱腹巖中禪定崖開金字摩斯受記有青衣童子奉古佛舍利供養貞觀初亢旱太宗禱雨不應占曰勝地仙居禪人處祈長安父老向名山尋禱及禪師師令拜侍者摩斯斯方淘米以米汁向西少洒令急

國曰今日長安已需足矣果應太宗乃詔禪師入長安不就
知必復詔瞑目而化御駕果至巖麓興國寺知其已化戀興
乃迴衆詣巖行禮時山昏霧候開見金字牌云空王古佛太
宗乃賜空王佛號詔塑金容改興國寺名回鑾後早禱輒應
高節并州人年十七辭親入臺山至北臺谷後見頭陀苦茅
爲居節長跪求度僧曰能食我食乃可度節卽採葉而食汲
泉而飲居數日僧曰能誦法華乃可度七日日法華成誦僧曰
汝能攝念坐七日必當得度節坐七日起長跪僧曰我年髦
矣不能令汝成道今長安有臥輪禪師可往依之且曰我海
雲比丘也節謁輪公輪問所從來節曰奉海雲比丘命自五
臺來輪大驚曰海雲卽華嚴經中善財所參第三知識也節
辭輪而返復履舊境惟見荒麓焉

澄空開皇中年二十誓願於晉陽汾水西鑄鐵像高七十尺
鳩集金炭周二十年乃辦選日寫像啟鑪無成稽首懺悔堅
前約二十年復備啟鑪又無成澄空呼天求哀又二十年復
集週迴衆登鑪巔百尺揚聲謂觀者曰吾少發誓願鑄寫大
佛今年八十已兩不成此更違心則無身以終志矣吾今俟
其啟鑪欲於金液舍命儻大像圓滿後五十年吾當爲建重
閣萬衆號泣諫止澄空不聽俄而金液注射揮手謝衆投身
如飛鳥而入及開鑪鐵像莊嚴端妙毫髮胥備開元初李嵩
充天平軍節度使出遊因仰大像歎曰如此好相而爲風日
所侵惜哉施錢七萬緡周歲重閣成北都謂之平等閣計像
成日至嵩適五十年矣

以上太原府

曇延蒲州棲巖寺僧漢司空王卓之後年十六身長九尺餘

垂手過膝目光外射初聞講涅槃經悟旨詞辨優贍有薛居士者學總元儒聞而謁之言謔相高戲題方圓動靜四字命死體之延應聲曰方如方等城圓如智慧曰動則識波浪靜類涅槃室薛驚歎曰由來所未見希世挺生卽斯人也開皇間旱命延禱之甘雨大注臨終遺教云法王御世最荷深恩護持三寶始終莫二言訖而逝

慧海姓張氏虞鄉人墨延弟子也年十八講涅槃文旨洞曉周建德中竄入陳隋初文帝姊成安長公主欽其德望立伽藍靜法寺居之仁禱前文帝頻頒璽書分布舍利每感異祥大業二年卒於寺見高僧傳

神尼名智山蒲坂劉氏女少出家有戒行沈靜寡言談吉凶成敗皆驗文帝誕日忽至其所名帝爲那羅延且曰兒不可

處俗間遂割宅爲般若寺將帝躬自撫養一日尼出付帝於其母母視帝頭忽出二角投之地尼心動急歸抱之曰何驚吾兒使晚得也後周滅二教尼隱楊氏戒行不改隋初重興佛法每以神尼爲言沒後卽葬寺中爲起金浮圖又命王劼作傳改所居般若寺爲大興國仍令天下舍利塔內各作神尼像

以上蒲州府

慧觀頭陀隋大業中自終南來澤州身止一衲日惟一食髮長不翦晦迹叢林過雙峯下見山崦幽寂嘆曰此古佛棲隱之所也因誅茅翦穢獲壞礎知爲古靈巖舊基遂築石以居廣行濟度四方縉素雲集李衛公靖提兵過太行躬禮謁深嘉歎之

澤州府

解脫和尚代州邢氏子卅歲於臺山昭果寺披剃從抱腹山

志昭禪師參學昭甚器之尋返昭果晝誦大乘夜則禪觀嘗
於東臺蓮兒草衣比丘踰跌石上卽前叩首比丘指金蓮花
解脫顧之卽失比丘久之復現半身語曰夫解脫者當求諸
已而山人乎於是狂機頓歇深契大法普度垂五十餘年後
莫知所終

王梵志籍燕之河間性耽方外妹六人俱守貞不字孝事其
親大業中負其父骸骨偕諸妹至銅川卜葬既葬兄妹七人
虛於墓側後並生化於柏樹下鄉人各爲立墓建塔卽名其
地爲柏塔以上代州

右隋九人

趙龜顧嵐州人開元間爲紫極宮道童不茹葷酒惟喜靜坐
衣破衲食藜藿一日曝粟於庭有一大鳥來食粟以杖逐之

去復來凡三旣而依戀於頤膝下乃悟爲鶴乘之遂飛集松頂似有物墜城西高阜人視之乃前所衣衲也識其地爲脫衣坡越明年坡生桃一葩殊奇得傳爲仙跡云

張世甯太原人兒宋曾僊集仙傳

石頭道人張姓交城人隱居西冶山善修養能知未來事嘗有詩云去去依然在呵呵一石頭青山常作伴明月幾時休又言九月九日我當昇天果不見

智滿太原奉聖寺開山師也鄂國公尉遲敬德禮智滿云割絕他命敢問還否師云將軍悔心天啟之也又曰若齊僧建刹何如曰一念善心生獲福無涯矣敬德稽顙拜施別業爲梵宇高祖賜額十方奉聖禪寺延智滿居之見元王居實記哲法師太原人武后臨朝屢徵不起開元間示化於福聚寺

道緯姓衛氏并州文水人著淨土論二卷

以上太原府

韓仙君洪洞人龍朔元年在崑村山中鍊丹丹成化爲白鶴飛去今村中有仙君祠祠後丹竈遺址尙存

張氲一名蘊字藏真晉州人秀逸脩閑學道不娶嘗寓李嬌家十餘年棲息洪崖古壇自號洪崖子天后及明皇朝屢召不赴

景成先生生而清奇早契道真隱居姑射洞功成升翥遺蜕臥石上至今如生歲季春望日士庶攀巖涉險拜謁者不翅數萬人

楊羅漢父任青州刺史母高好佛羅漢年十二至南嶽爲僧越四載徹悟長安二年春司空山大虎十餘傷人盡降伏之河東路巡撫使李景副使王永昭平陽太守錢光演同遊王

兔觀遙見風穴山東白光貫霄命探之道遇樵叟陳文樵子
李八兒曰有一奇僧引十餘大虎頂放白光召文等曰汝即
歸白李尚書王太傅錢太守說羅漢願見使還報三人馳拜
羅漢自述顯末復云聖道周圍歸真時至語畢奄逝因改觀
爲寺祀之後唐清泰乙未歲正月十八日獵人郭遇郭欽王
思蘊徐守元見玉兔入孔穴以鑊掘之有菴門掩閉推視金
身如生周顯德間學究王福新有記

吳璉襄陵人姓王氏父成母皇甫氏無子禱於佛寺而生長
禮鳳翔妙覺禪師天寶元年至襄陵崇山二兔引徑入遂於
山巔起浮屠戒行精嚴龍神聽講旱禱立應廣德二年晉絳
太守張光俊楊子宏表聞代宗賜寺額曰普救號慈濟大師
以主之

閻榮貞觀十四年爲河東太守後隱中條山羅通微事之十九年拜吉州刺史尋表請入道賜名遺榮隸桃源觀朝臣多賦詩以贈之今王官谷上方有閻使君宅

羅通微臨晉人母趙氏姪時有雙鶴翼行旣生骨相巉削稍長入山樵薪遇閻使君榮授以幻養之術遂冠褐於五老峰之遊仙觀學步虛絕粒今太乙峰南步虛坪其地也後使君出牧吉州召通微及境有雙鶴樂聲自玉笥山來迎旣就館一夕月色皎然忽騰空吟嘯而去使君表其事詔吉州立眞人堂尋改降生之羅村爲蓮臺村

志寬河東人博覽諸經以涅槃地論爲心要時邑多虎暴都督張遜命禱之患遂息貞觀中蒲晉旱寬曝烈日中須臾大雨闔境霑足

道慈姓張氏虞鄉人蠡延度爲弟子晚住蒲州仁壽寺大業末因事返京夜停關首主見慈馬壯勾盜欲竊之夜往其所乃見十人圍繞環甲執兵乃台面歸懾焉唐貞觀中有請講涅槃者堅不受請人不解告之曰所以固辭者恐不終此席耳後果念經三日卒於山年七十有五卒經夕異花披地湧出莖長二尺許色甚鮮榮折納餅中逾年不萎見高僧傳

靈潤俗姓梁虞鄉人依靈燦法師住興善寺年十三初聽涅槃卽通文旨後聞泰岳靈巖寺僧規清肅乃杖策尋焉貞觀中與法侶登山野燒四合衆皆奔惟潤安行顧語曰心外無大火實自心謂火可逃無由免火及火至潤燔餘自斂後住宏福寺僕射房元齡稱歎曰居宗揚化惟此一人也見高僧傳

神迴臨晉人俗姓田貞觀間流化岷峨爲道俗宗師

普寂姓馮氏蒲州河東人少時遍尋高僧學經律時神秀在荊州玉泉寺寂乃往師事凡六年神秀奇之盡以其道授焉久視中武后召神秀至東都神秀因薦普寂乃度爲僧及神秀卒天下好釋氏者咸師事之中宗制令代神秀統法衆開元十三年勅於都城居止王公士庶競來禮謁嚴重少言遠近尤重之二十七年終於興唐寺年八十九時都城士庶會謁者皆制弟子服有制賜號大照禪師及葬河南尹裴寬襄麻列於門徒之次士庶傾城哭送閭里爲空

張果不知何許人武后時隱於中條山往來汾晉間時人傳其有長年祕術自云年數百歲矣嘗著陰符經元解盡其元理后遣使召之果佯死不赴後人復見之恒州山中開元二

十一年元宗令通事舍人裴晤往迎之果對使氣絕良久乃蘇晤不敢逼馳還奏狀又遣中書舍人徐嶠齎璽書以邀迎之乃至東都肩輿入宮元宗親訪理道并神仙方藥之事及聞變化不測而疑之有邢和璞者善算人知天壽善惡元宗令算果則懵然莫知其甲子又有師夜光者善視鬼元宗召果密坐使夜光視之不見果所在帝謂高力士曰吾聞飲菓無苦者奇士也時天寒因取以飲果果三進頽然曰非佳酒也乃寢頃視齒焦縮顧左右取鐵如意擊墮之齋帶中更出藥傅其斷良久齒已生粲然駢紫帝益神之欲以玉真公主降果未言也果忽謂祕書少監王迴質太常少卿蕭華曰諺謂娶婦得公主平地升公府可畏也二人怪語不倫俄有使至詔曰玉真公主欲降先生果笑固不奉詔有詔圖形集賢

院懇辭還山詔可擢銀青光祿大夫號通元先生賜帛三百匹給扶持二人至恒山蒲吾縣未幾卒或言尸解爲立棲霞觀

薛季昌河東人遇司馬承微於南嶽授以玉洞經錄高真異降其室元宗召入禁掖延問道德乃談及精微上喜恩寵優異尋還山上贈以詩曰洞房修真客條陽念舊居將成金闕要願奉玉清誓雲路三天近松壩萬籟虛猶宜傳祕訣來往侯仙輿翌日丹成曰祝融峰今夕有天真會予被召當往遂凌虛而去

呂巖字洞賓禮部侍郎渭之孫河中永樂人咸通中舉進士不第遊長安酒肆遇鍾離權得道不知所往天寶十四載四月十四日巳時生有詩集四卷宋史陳搏傳關西逸人呂洞賓有劍術百餘歲而童

顏步履輕疾頃刻數百里世以爲神仙數來博齋中人咸異之宋曾集仙傳呂洞賓父字希聖曾授真筮於正陽子耿景思試之簡未門授一曰涕泣請鍾子功行未累也呂曰何修而功行乃累鍾子曰須金百萬博濟於世始得呂曰弟此博施何從辦也呂子請曰是命卒若變否鍾子曰須三千歲後還本質呂子慨然曰如此則快三千歲後人矣功行之謂何鍾子悅曰善哉即此一念長生久視道在是也呂子縮然悟也然乎雲房子曰汝試爲之於是度數千人乃復化身普過諸所度者之門則數千人一旦去盡呂子失意恨然而歸低息河濱料下雲房子化叟曰吾非苦輩比時老且衰百念俱灰自矢可身相許矣願依子終身可乎呂喜晚得叟卽許諾負之渡河以歸至河中始悟其爲師驚訝曰嚳師惟度我師耶

侯神仙虞鄉人從師道清觀資性篤實人稱慈子師令汲水見一異童輒與戲失期被師督侯以實告師授以鐵針紅線令簪童頂侯如命童歸入葡萄架下掘地獲人參形如童師

烹於釜中下山訪友侯聞異香竊食之盡棄餘汁於犬師歸大怒將子杖侯與犬竟飛去

陸禹臣字服休河東人避黃巢亂入南嶽得仙術隱宜州北山後尸解爲紫府仙伯嘗寓吳道生家與語塵外理贈詩曰露下瑤簪濕雲生石室寒星填鸞鶴舞丹竈虎龍蟠

慧旻字元素河東人著十誦私記十三卷又僧尼行事三卷尼眾羯磨二卷菩薩戒義疏四卷

常醜女蒲州常志女貌陋有瘡疥屢藥勿瘳及并無聘問者一日出外以裳蒙首居人畏其裸而避之浴於池出則體貌如玉身不着地騰空而去

以上蒲州府

李師政上黨人唐初官門下典儀武德中太史令傳弈七上書請除佛法師政駁之著論三篇曰辨惑明邪正之通蔽曰

通命辨殃慶之倚伏曰空有破斷常之執見其空有篇最爲精造

焦道士襄垣人父爲吏有活人功道士生七歲不語一日忽告其母曰明日師至果有道士來授以符籙修真龍洞山年十三通天文地理象數之學能致風雨役鬼神後仙去至今訖

普滿大厯中澤潞僧也善相言事往往有驗建中初題潞州編印造藏經二千餘卷貞觀中跌跏化

三目僧襄垣人俗姓王左肱有一目後啟左臂目述古疏一

之事間賜號風雷將軍卒年三十四金加封昭澤龍王

風駕霧縹符鬼神出幽顯無礙會上帝妖祲爲災往除

道者送百匱曰此天眞賜汝也覺而開視皆龍文虎篆莫能

語而手不展父母欲棄之忽有陰行咸通九年生將軍七歲不

訖龍神雨輒應父爲擇吏有陰行咸通九年生將軍七歲不

佛舍曰此水連涇水雙珠血滿川青牛將赤虎還號太平年
人莫能解及賊泚稱兵方悟此水者泚字涇水者自涇州兵
亂也雙珠者泚與滔青牛者興元二年乙丑歲乙未青丑牛
也明年改元貞元歲在丙寅丙火赤寅虎也至是賊已平故
云

安公隱居壺關山中素爲土人頂禮及卒山出石棺土人收
葬之即以安公名其山

梁氏二仙女屯留人先世居陵川父山寶母楊氏感仙光而
生有奇德繼母呂氏遇二女甚酷單衣跣足冬使採薪二
女性至孝泣血浸土化爲苦苣其葉有赤斑若血痕然得一
簍以歸奉母後移家於壺關紫園山又令拾麥於外無所得
畏母捶楚仰天號訴候黃龍下降少者先升須臾黃龍又降

長亦升霄易金縷絳衣鳳冠繡履仙樂響空天香馥路土人
立廟祀之宋崇甯間顯靈邊戍賜謚冲惠冲淑真人

以上鄧安府

薛守元住平遙太平觀締造爲一方勝
無名祖師自西極來居麓臺山四十年肅宗召至京叩無名
之旨答曰大方造物總持萬變走爲日月駕爲雲雷四時行
百物生收功於無形者天地之心也大人御世不煩而治鼓
之爲太和不識不知而天下歸心焉者至人之妙也是故上
聖得之而無爲彼蒼蒼之而奚言抑何絜絜於細名哉上善
其言待若惇友上元初化詔回故山宋慶厯間砌塔藏之高
三百尺又名麓鏡臺

無業禪師俗姓杜商州上洛人傳洪州心印後止西河衆香
佛刹州牧董叔經延住開元精舍謂弟子曰吾緣在此學者

並問多答曰莫妄想憲宗召以疾辭穆宗遣僧錄靈準齋勅
迎送示寂長慶三年十一月葬蘭若之庭琢石爲塔號澄源
大達國師

尙顏字茂聖俗姓薛尙書能宗人出家荆門工五言詩有集
五卷今存詩三十四首

臥如居法鐙寺洞達科條無病而寂後多顯跡宋元時寺燼
像如故因號爲臥如菩薩以上汾州府

李通敏高平人晏六世祖棄科舉學辟穀去妻子隱於西山
不入城市年逾百歲無疾終後有遇於王屋者儀貌如生因

名山暨井爲遊仙

已見隱逸

惠愔唐宗室也棄家爲浮屠徧游名山太和初自并汾來澤
止看蓮寺見遠公遺迹咽然興嘆遂闢草建宇以象假中

之教開別壘曠與司徒太常映爲方外交結法華社數十人
苾芻之流多依爲禪宗云又慧峯者姓賀蘭民襄城人出家
硤石山之藏陰寺亦傳道公法苦志靜修著語錄契合佛旨
中和間端坐而化

以上澤州府

負局先生語似燕代間人常負磨鏡局徇吳市中街磨鏡一
錢因磨之輒問主人得無有疾苦者出紫丸藥與之得者莫
不愈如此數十年後大疫活者萬計不取一錢吳人乃知其
真人也後至吳山絕崖頭有求藥者懸而與之將去語人曰
吾還蓬萊山當爲汝曹下神水崖頭一旦有水白色流從石
間來服之多愈疾立祠十餘處

諱慧靈邱李氏子其親禱於臺山而娠長不願娶從五臺真
宿院法順和尚披剃東臺東有葑龍池龍常害物誠慧烈淨

瓶錫杖廬其側呪之龍卽入瓶風雷皆寢居七日龍革薄心
白光洞室乃釋之乘風雲而去嘗誦華嚴於李牛谷有五六
儒服者來坐聽或持異花鮮果而獻怪問之答曰某山神也
願充執侍誠慧捨而他適同光元年莊宗製書并紫衣賜之
書云師慈嶺名流雞園上哲精持護鵝之戒宏宣住雁之談
潛括三乘深名四諦忍草常新於性苑覺花不染於情塵高
蹈雲峯棲心聖境汎慈舟而濟溺持慧炬以照迷五百龍王
皆皈茲德十千聖眾盡繼高蹤爲萬姓之甘霖作空門之標
格朕方興景運大闢宗風宜旌精行之名以奉無爲之教崇
號廣法大師兼賜紫衣固辭不受復降勅諭略云再遣內臣
遠頒成命師號旣旌於道行紫衣無爽於受持久屬當仁匪
宜多讓誠懇聞命卽囑累門人吉祥而逝壽八十謚曰法雨

大師塔號慈雲府大同

奎基法師字宏道朔州人鄂國公尉遲敬德從子也性敏悟
能屬文經史一覽無遺依元裝法師披剃年十七特旨度為
大僧詔講譯佛經論三十餘部草疏一百本大行於時謂之
慈恩疏永隆中造五臺棲託一載奉詔旋京明年將順世告
其能日十方刹海遊戲之場兜率故苑吾將歸矣趺坐而逝
年五十一御製像贊悼之紫拂軒輊維綬奎基法師年十八有
精從一載文樂十餘人一載兵器而自幸壯士錦袍花帽以
騎從所欲留處縱飲至醉擁女樂而自幸壯士錦袍花帽以
子挺宗持刺自快率以為常元裝法師自西域取經回欲承
賢首宗旨而難其堪授者一日請於文皇曰大國中能承
我法嗣者尉遲子耳帝命敬德令依裝刺落裝為開示教語
即盡棄其書而精研宗乘今相宗諸秘奧皆其所披析也然
性靡落不知有戒律懷則恣餐飽則餽睡而已日行勵員
牛肉喫之而掛其餘於錫端至一利乃宣律師所住也留三
宿別去宣律平日受天供不御人問食至是天供三日不至
奎師行復來宣師曰日來為粗行者腥穢所觸耶天人不

然我輩岳瀾小聖耳兩日聞本利有大乘菩薩四洲大力神
王色欲界主威在擁護故不敢唐突今幸其行始得展敬也
宣律爲之三數久之曰我不能也而奉津益嚴案基
公塔銘作姓尉遲諱基舊通志作親基 朔平府

義福姓姜氏潞州銅鞮人爲神秀弟子初止藍田化感寺處
方丈二十餘年未嘗出後隸京城慈恩寺開元十一年從駕
往東都途經蒲號二州刺史暨士女皆齋花幡迎之二十年
示疾張均房瑁嚴挺之韋陟皆往與訣而張以服丹不臨喪
先避去乃謂房曰張有非常之咎名節皆虧若終此法會可
以免難惜其先去也公必爲中興名相遂卒賜號大智禪師
葬於伊闕之北挺之爲製碑文後張竟陷於賊嚴與房輔贊
兩朝悉如其言

先師菩薩名偁相傳懿宗第三子僖宗弟也黃巢入長安出
奔五臺祝髮爲僧遊沁源靈空山見林木深茂人迹罕至有

馬跑泉之異卓錫居焉昭宗景福二年圓寂宋太宗端拱二

賜所居寺額曰聖壽

沁州以上

李賓諱通元又號長者宋熙寧元年七月宋勝撰長者行蹟

云昔李長者皇枝也諱元童

碑記皆作通元

但言滄州人開元七年

至太原孟縣大賢村有高山奴延納安居長者每日惟食粟

十顆柏葉餅子一枚不交外人掩室獨處含毫臨紙曾無虛

時如是三稔一日捨山奴至馬家谷古佛堂自構土室寓於

其側端坐宴然於斯十年後復獲挈經書遵道而去次冠蓋

村忽逢一虎馴伏長者告以吾欲著論釋華嚴經可與吾擇

一棲止處言畢虎起徐而撫之遂將所挈經囊掛於虎背於

是虎望神福山原直上二十餘里當一土龕收囊於內龕之

四旁舊無潤泉長者始來之夕風雨暴作拔去一松化為一

潭僭陽之歲祈求必應長者製論之夕心窮元奧出白光
代鐙燭居山之後忽有二女子容華絕世皆可笄年美服
衣悉以白巾幪首姓氏居處一無所言汲水焚香供給滂饌
莫知所止厯有五祀著論將終遂爾絕迹長者身長七尺二
寸廣肩朗目丹唇紫肌長髯美茂修臂圓直髮采紺色毛端
右旋殊妙之相靡不具足首冠樺皮身披麻衣長裙博褻散
腰而行居常跣足放曠人天忽一日出訪舊止之里適值野
人聚族合樂長者曰汝等好吾欲將歸衆乃必謂御還滄州
揮淚懇留長者曰縱在百年會當歸去於是衆送還龕所復
告衆曰去住常然汝等可各還家翌日長叟結徒禮候但見
姿容端儼已坐化於龕中報齡九十有六時當三月二十八
日也

法宏卓錫壽陽縣之方山寺賦性穎悟頓開元機武宗朝洎
汰僧尼梵刹盡毀宏募貲鄰邑寒暑無間重新山寺立長者
像命弟子取經西竺唐末歲饑宏減衣蔬食日守寺門誦華
嚴不輟蓋不履塵市已三十年矣其戒行精苦如此

金剛照俗姓崔博陵人了悟佛法代宗爲廣平王時甚尊禮
之後卓錫壽陽縣陽摩山之靈嵩寺寶應元年北京留守太
傅王孟縣令竇壽陽令孫爲起功德堂一時僧徒雲集說法
元微有散花點石之妙德宗貞元歲奄化

以上平定州

打地和尙傳心要於江西馬祖退隱定襄往來深山與虎豹
羣居蹤迹神異有問佛法者以杖三打地或置其杖而問焉
則開口而已唐大厯中跏趺入滅葬鄜村塔宋張商英撰記

忻州

法空隋末雁門鷹擊郎將以隋室荒亂棄冠劍妻子獨詣清涼山構茅深谷嘗誦華嚴惟心作佛之偈致力參究時寇盜交起府司追還繫禁乃正念趺坐不語不食者兩月守令驚愕放之空至山隱三十餘載有異僧投般若奧旨將順世謂取曰自被拘禁之後獲遇明師遂能燦破虛空今世緣已盡吾將往矣未幾而逝

僧和和住代州大安寺修營殿閣言事多中如狂如愚衆號爲聖時代國公主適榮陽鄭萬鈞數年無子和和常至公主家萬鈞請曰吾無嗣願得一子惟師降恩可得乎僧曰遺我三千匹絹萬鈞如言施之僧取絹付寺云修功德乃謂萬鈞曰主有娠矣吾令二天人下爲公主作兒又曰公主腹小能並娠二男乎吾當使同年而前後耳公主遂娠年初歲終各

誕一子長曰潛曜少曰晦明皆美丈夫博通有識焉

朱自然代州天長觀道士天寶五年改鳳凰山爲嘉瑞山置觀度道士七人自然及高悟真董參元馮通元孫冷然並有高行以十三年七月十五日上昇其日未時至京師陳謝天子天子異焉勅中使覆勘其供養童子尉遲如玉亦以後十日上昇山中有洗參池藥竈丹鑪並自然遺迹也

道宣律師吏部尙書錢申之子母夢日輪貫懷而生少事習誦長叩元關嘗遊清涼至中臺夜方禪寂有天童子侍於右曰我名元暢乃天人也聞師屈此故來相候道宣曰聖人境界果何在耶答曰師不聞一法無異三人殊見者乎蓋隨其業報所見各異若某見清涼山則碧琉璃色諸臺苑皆雜寶林至菩薩住處非我所及知也言訖而隱

業方解脫和尚法孫貌古神奇嘗於中臺入定是日有人見
在代州持鉢行乞太原信士數人送文殊像至山渟茫泛漲
像不能渡師振錫前導水爲斷流衆人隨過水復湍激大歷
元年於祕魔巖畔翹足而化州宰建塔瘞之一夕火光燭天
明旦視之塔內了無一物異香數日乃歇

清涼國師澄觀字大休會稽人姓夏侯氏身長九尺四寸垂
手過膝口四十齒日光夜發晝乃下眴天寶七載出家至德
二年受具詔入內譯華嚴大歷三年又詔入內與大辯正三
藏譯經爲潤文大德旣而辭入五臺駐錫大華嚴寺博覽六
藏圖史九流異學竺經梵字及四圍五明聖教世典等書靡
不該洽自是筆無停思著述華嚴無間貞元十二年上遣河
東節度使禮部尙書備禮迎入京同屬賓般若三藏翻譯烏

茶國所進華嚴既就進之上大悅賜紫方袍號教授和尚十
五年授鎮國大師四月上誕節勅有司備儀輦迎入內殿闡
揚華嚴宗旨旋賜號清涼開成三年三月六日圓寂澄觀生
歷九朝爲七葉師春秋一百有二後人尊爲華嚴六祖文宗
徽朝三日奉全身塔於終南山未幾有梵僧到闕奏稱葱嶺
見二使曰北印土文殊堂神也東取華嚴菩薩大牙歸國供
養有旨敢塔果失一牙唯三十九存焉遂闡維得舍利光明
瑩徹舌如紅蓮建塔號清涼國師妙覺之塔相國裴休奉勅
撰塔銘碑記

高峯姓鄧氏邵武人幼不慧父母聽其出家初遊馬大師門
往石頭後於馬祖言下契悟冬居衡嶽夏住清涼唐元
和中路出淮西屬吳元濟阻兵隱峯曰吾當爲解紛乃擲錫

空中飛身而過兩軍關心頓息遂入五臺於金剛窟前將示寂先問衆曰諸方遷化坐去臥去吾嘗見之還有立化者否曰有還有倒立而化者否曰未之見也乃倒立而化衆昇就茶毗屹然不動隱峯有妹爲尼乃拊而咄曰老兄疇昔不循法律死更惑人以手推之憤然而踏遂就闍維收舍利塔於北臺之頂

從諗禪師曹州郝鄉人姓郝氏幼於扈通院從師披剃未納戒便抵池陽參南泉言下悟理乃往嵩嶽琉璃壇納戒仍還南泉復往趙州觀音院嘗九遊五臺每到必經夏而返一日復東裝有僧作偈留之云正眼觀時非吉祥從諗擲住曰作麼生是正眼僧無對負囊便行由此道化遠被幽晉間唐乾甯四年仲冬二日枕右脇而逝壽一百二十歲謚號眞際大

師

太原孚上座蜀人久住臺山後遊浙閩復回臺山不出者二十餘年諸方胥目爲太原孚上座

福運總因寺僧身嬰重疾長年不瘥因入清涼忘軀行道一日金剛窟前禮懺因而假寐見人以水沃之遂通宿命知往世爲法師貪他供養不淨說法墮牛犬中償足復爲人既見是已劇增悲痛乃服香百日願焚身供養以懺宿愆積薪如山踰跌其上火燄既發五竅流光上燭霄漢

木叉和尚不知何許人受法印於江西馬祖居祕魔巖

在西

四里繁時縣境

因以爲號常持一木叉每見僧來禮拜卽叉卻頸

曰那箇魔魅教汝出家那箇魔魅教汝行腳道得也叉下死道不得也叉下死速道速道罕有酬其機者霍山通禪師來

訪纔見不禮拜便攜入懷裏師拊通背三下通起柏掌曰三千里外賺我來三千里外賺我來言已便回師以闡揚大法爲已任於諸世務漠不關心後終於崖下

以上代州

侯道華芮城人初河中永樂道淨院有道士鄧太元鍊藥貯院內道華在院供給使常好子史手不釋卷或問要此何爲答曰天下無思嚮仙人咸大笑之一旦失之無所見惟脫雙履衣挂松上中留一詩云帖裏大還丹多年色不移前宵盜食却今日碧空飛慙愧深珍重珍重鄧天師他年鍊得藥留得與內芝吾師知此術速鍊莫爲遲三清專相待大羅的有期下列細字曰去年七月一日蒙碑君賜姓李名內芝配住上清善進院時大中五年五月也方驗道華竊太元藥仙去節度鄭公先以其事聞詔賜昇仙觀咸通三年芮令高立誓

於道華降生之地築臺刻石撰降生臺記按唐段成式有記

當時意實有此然府志載侯道華虞鄉人爲道士事鄧天師

身常執賤役暇卽讀書終日不輟或問何以書爲答曰天下

無愚懵仙人也一日天師得仙書道華竊食之於白日

拔宅上昇則又與舊志所載殊異姑兩存之以備參攷

裴謚聞喜人大業中入白鹿山採鍊十數年與王敬伯爲友

敬伯曰仙海無涯盡歸乎謚曰吾夢醒者不復抵迷敬伯遂

遊京洛貞觀初拜參軍遷大理評事賜緋奉使世孫舟次高

郵一老人囊笠鼓棹而過敬伯視之乃謚也維舟握手延坐

曰兄所須當以奉給謚笑曰魚鳥各適何矜炫爲吾市藥廣

陵青園橋東數里櫻園北車門卽吾宅也敬伯至廣陟出訪

之果有車門漸進愈佳青衣傳命謚衣冠揖入棟宇器物悉

非人世所覩日暮促席然九光鑒光華滿座女樂數十人皆

絕色謚又顧黃頭曰王評事吾山中友別近十年宜遠致麗

黃頭唯唯旋引一姬自西階上敬伯視之似其妻趙氏趙氏亦驚目敬伯駭異之一青衣以玳瑁筭授趙氏乃趙氏素善音敬伯取坐間殷色李授之趙氏顧敬伯潛繫衣帶間將還詎召黃頭曰送趙夫人回乃謂敬伯曰使君宿此得無驚鄰伯乎且就館問時再來敬伯去五日將還復詣之則一荒涼地也惆悵而行及京奏事畢抵第趙氏怒曰女子誠陋奈同致以悅人朱李尚在也敬伯始悟謔得仙矣

裴脩然楚州刺史思訓之子開元中爲道士嗜詩酒工丹青夜醉臥街犯禁賦詩曰遮莫鑿鑿動須傾滿滿杯金吾如借問但道玉山頽

裴航聞喜人長慶中下第遊鄂渚偶與樊夫人同載航見其國色慕之賂侍妾裊煙以詩達意曰向爲胡越猶懷想况過

天仙隔錦屏儻若玉京朝會去願隨雙鶴入青冥夫人得航
詩若不聞使長煙持詩答航曰一飲瓊漿百感生元霜掃盡
見雲英藍橋便是神仙窟何必崎嶇上玉京航亦未達詩之
旨趣後經藍橋驛渴甚向老嫗求漿嫗呼女雲英擎漿與航
英色芳麗航憶夫人詩句異之願納聘焉嫗言已有靈丹須
玉杵臼搗之有此當相與航購得之嫗仍令航搗藥百日嫗
吞之先入洞告姻戚來迎航及女就禮引見諸賓一仙嫗謂
航應相識否航不省曰不意鄂渚間同舟事乎航驚怛陳謝
始知夫人卽雲英之姊後航及妻入玉峯洞爲上仙

王司河津人隱居龍門山得道

智叟智富聞喜鐵牛峪僧唐太宗屯兵軍乏糧叟富請以沙
鍋爲食餉三軍胥飽太宗神異之後勅建廣教寺以報云

慧涉絳州人俗姓楊幼從知深出家日誦數千言嘗入秦寓
麥積山石室造百法論鈔一十六卷涸井泉應因絕筆至蜀
以法殪術士妖猴還憩中條山竹林精舍造維摩搜微記略
科般若心經鈔無常經真釋四分律科共二十六卷晚歸絳
將化預戒眾三分其軀一投水中一投郭外一隨煨燼勿塔
勿銘以違佛戒言已昇座而化茶毗獲舍利百餘粒舌不壞
色如黃金

僧法雲絳州人著辨量三教論三卷又十王三業論十卷見

唐藝文志

以上絳州

智興趙城人修行終南山後棲中條山大通嶺聚徒說法聲
震長安睿宗三召不至一作開成間文宗三召不至乃截其舌以進命焚
之化爲金舌夜哦經如故賜號金舌和尚

張惠明趙城人結廬中條山遇混元子授以道術代宗詔入
便殿致醮有感封妙濟大師尋尸解於西岳以上霍州

右唐六十七人

又二人附見

洪崖子神山人名居敬年四十辭家入山遇山神引見景成
子得姑射洞居焉能變化明宗召對稱旨賜爵不受歸假葬
衣冠脫然而去宋熙甯九年范詒撰碑記平陽府

僧善住河東普救寺寺初名西禾清院漢乾祐元年招討使
郭威督諸軍討李守貞周巖城未下召善問之對曰將軍若
發善心城必克矣威折箭爲誓異日城破不戮一人遂易今

名蒲州府

楊譚真黎城人清泰改元勅下諸州取黃冠精博者明年春
譚真詣闕獻詩五篇賜紫綬歸山修鍊二十五年昭義節度

便延至鎮祈禱有應一日夜息越明啟局視之不見袒褥惟遺珠千粒形似桐子色似金星瑩

麻衣僧繇上人雲遊襄垣紫巖山洞建寶峰寺善相人窮通

壽夭有驗者相書金鎖賦銀匙歌行於世

以上潞安府

僧大愚居高平山之五音洞演聲律能達旨要年九十餘一日別其徒曰吾將歸矣端坐而逝洞中嘗聞五音聲後人因以爲名嘗作上心王狀奏六賊表蓋教乘喻言也錄進昭宗并韻母三十字詔賜田百頃祠部牒三十八道紫衣十道有愚公塔心王表碑在金峯

洪密陽城劉氏子爲沙門居千峯寺梁晉之際唐明宗爲晉王將密預識之嘗助米濟軍明宗卽位爲建禪院賜勅書世傳密有心計嘗於年豐時令寺衆收麥菁蒸熟近千餘石悉

擣爲泥以築牆壁後歲饑乏食乃令取所蒸牆上蔓菁食之
村民往依多賴以濟

以上澤州府

誠惠靈邱李氏子從五臺真容院法順和尚披剃嘗誦法華
於李牛谷有五六儒服者來聽並獻鮮果怪問之答曰某山
神也願充執侍誠惠舍而他適後唐同光元年莊宗崇號廣
法大師兼賜紫衣固辭不受

即誠惠已見前

妙惠節度使王建女賜紫號嚴因大師智起建孫賜紫號妙
果大師胥有道行

遼州

僧繼禹故燕王劉守光之子爲人多智善商財利自北漢世
祖時頗賴之繼禹能講法華經四方供施多蓄積以佐國用
五臺當契丹界上繼禹常得其馬以獻歲率數百匹又於柏
谷置銀冶募民鑿山取鑛煎銀仰以足用卽其地建寶興軍

睿宗立拜繼禹爲鴻臚卿至太師中書令卒追封定王代州

右五代

閻趙二僧居太常寺太宗下河東時施棗犒軍給數千人後證湟榮於寺

法濟榆次人俗姓卜初禮五臺秀公和尚爲師號麻衣和尚天聖初臥化縣之紫巖寺

明因大師道詮姓衛氏并州文水人始爲童子辭家入洛陽妙覺禪院依眞行大師惠璿學浮圖法咸平五年入僧籍後二十四年賜紫衣遂主寺衆又四年賜號明因兼領百街教門事明道癸酉正月卒歐陽修撰塔記

諸仙禪師俗姓裴祁縣人居仙幽寺一日午夢覺云河南好麥時三月中旬也徒衆皆竊笑師乃出麥穗袖中示之衆大

異嘗入汴徽宗詔入朝賜號諸仙設膳不食問之云聞本寺鐘聲方食少頃果聞鐘聲上遣兵衛取其鐘鐘飛西崖今名墜鐘崖踰百歲髮尚黑不食百日而化

全福俗姓田祁縣人諸仙徒也從遊於汴徽宗賜號全福出入乘虎神通殊夥年百餘整衣而化色如生

龍潭祖師居交城石壁寺夜誦華嚴經有鳩鵲二鳥集左右聽之一曰二鳥墮地死縣北村有榮氏雙生子啼泣不止師尋至語其父曰汝二兒詐爲吾徒當令勿泣父諾卽以手摩其頂曰我徒勿泣果止長從師四十年肩坐化稱鳩鵲二祖云

善昭禪師俗姓俞太原人器識深遠不由師訓能通內典道化四年住持汾州太平寺不越閭者三年府尹李與師有舊

請住承天使者三返必欲得師俱往師不獲已乃令設饌東

裝告衆曰老僧去矣停箸而化

以上太原府

張伯端天台人翼城紫陽宮其修鍊地也列仙傳云伯端少好學晚傳混元之道治平中隨陸龍圖寓桂陽熙甯二年遊蜀遇劉海蟾授以金液還丹訣乃改名用成字平叔號紫陽山人後轉徙秦隴久之訪扶風馬默處厚於河東乃以所著悟真篇授處厚曰平生所學盡在是矣願公流布此書當有因文而會意者元豐五年夏趺坐化年九十九歲弟子得舍利千百大如芡實色紺碧識者曰此道書所謂舍利耀金寶也後七年劉奉真遇紫陽於王屋山留詩一紙而去紫陽嘗謂已與黃勉中維陽于先生皆紫微星號九皇真人因誤受劫劫運之籍遂謫人間宋時紫微垣光耀可見者六星焉

甄棲真字道淵單州單父人博涉經傳工詩賦應進士舉不
中遂讀道家書訪道於牢山華蓋先生久之出遊汴因入建
隆觀爲道士以藥術濟人不取其報祥符中寓晉州晉人愛
之以爲紫極宮主年七十有五遇許元陽曰汝風神秀異有
如李筌雖老矣尙可仙也因授鍊形養元之訣棲真行之二
三年漸反童顏攀高躡危輕若飛舉乾興元年秋謂其徒曰
此歲之暮吾當逝矣卽宮西北隅自贊殯室室成不食一月
十二月二日衣紙衣臥輒榻卒歲久形如生衆傳爲尸解棲
真自號神光子與海蟾子以詩往還論養生祕術有還金篇
兩卷

皇甫靖臨汾人母武氏夢神人授桃已而有娠長有方外志
嘗往河津有客竊物逃詣同州遇於途靖絕口不道前事嘗

使汲水不辭客笑曰小子氣和可教也披戶而出久不還靖
還視席下有黃金焉正酬所失後遊商山茅舍中坐幅巾老
人問疇日長安事靖再拜稽首留百日乃知爲郭先生先生
囑靖出款書俾傳達乃孫長老劉真人郭師曹先生也黎明
靈化靖如囑詣江州訪孫長老適嵩山謁劉真人示以神用
又往廬山謁郭師赴都候曹先生還渡大江仗劍禹步波濤
頓息過鞏州河失故道沒民田數百頃靖書符丙夜投之河
詰旦河復舊流歸平陽霍邑令失官庫金銀請於靖靖謂隸
曰汝固已得真偷矣比至縣果獲所失政和八年走三山竇
錢皇前得三洞真篇暨法衣一襲而歸數日逝詳毛安節傳
王道源太平人善易學南渡時避金兵隱於西山之麓孝宗
淳熙五年遇異人杖鐙而化後人名清廉洞旱禱多應

寇姬晉甯人見宋曾慥集仙傳

以上平陽府

柴通元閩鄉人爲道士於承天觀年百餘歲善辟穀長嘯惟飲酒言唐末事歷歷可聽真宗祀汾陰召至行在命坐間以無爲之要資茶藥束帛詔還本觀

重宣姓趙氏虞鄉人河中開元寺僧幼穎異十五禮文澈師爲沙彌二十一依澄暉受具戒振錫遊方刳心求法凡讀大藏經一萬餘通誦佛頂真言三十萬過秋官貳卿寇公準重其行薦之帝庭賜紫方袍以旌其德咸平四年四月庚戌示

寂惕億撰塔記

以上蒲州府

宋謙潞城人少穎悟遇異僧髡度天聖中坐化於棲巖院伏虎禪師棲聚城顯慶寺嵐山麓有雙虎爲患至卽馴伏又嘗渴呼水飲水卽自地中湧出凡行石上至今有履以形石

鐫遺像猶存

以上潞安府

薩守貞汾陽人少有濟人利物志嘗學醫誤用藥傷人遂棄醫學道遇三十代天師虛靜先生及林王二侍宸各授以法由是道法大顯自稱汾陽薩客

郭竹師汾州人見宋曾慥集仙傳

善昭禪師住太子院卽今天甯寺并汾苦寒偶罷夜參有異比丘振錫而至謂會中有大士六人奈何不爲說法言訖而法師記以偈曰高僧金像光爲法到汾陽六人成大器勸請早敷揚

白衣菩薩孝義人遁成至南澗石上欲示寂適牧豎擾之俯地泣淚滴成窪坐跡深幾寸許乃往靈石高山巖下坐化後

立祠

以上汾州府

呂道人失其名居澤州善爲沈泥硯多作投壺式其首有呂字非刻非畫堅緻可以試金道人死硯漸難得蘇東坡於元豐五年至沙湖黃氏家見一枚黃氏不知貴取而有之僧奉教慶厯時卓錫松嶺寺講大乘經度僧俗千餘人齋僧二十萬置四大部經作兜率觀朝夕行之神語空中曰師兜率觀成當捨幻質往去天宮乃於千峯山盤亭寺側誓焚身火發但見白氣冲天異香馥郁及燼惟舌不壞若紅蓮葉徒置塔藏之

趙覺俗姓金晉城人住持開化寺淨修有戒律聚名僧數十人爲說法雜衢巷俚言皆禪機建隆初安坐而化其後有三人爲出家寶山寺大會四方講法華經妙解真諦天聖中兩手成文面色如金端坐圓寂異香經宿不散有石記州府

舍利和尚慶曆四年至橫山興國寺作院主每日吾欲焚身
特需其候明年正月十八果用三昧火自焚得舍利數粒鄉
人建塔勒碑識之

忻州

闕道甯雁門人號休休子幼爲釋已而學道養真於鳳凰山
之來儀觀年八十四尸解

劉操字宗成號海蟾子廣甯人爲遼相雅喜性命欽崇黃老
遂解印作狂遊避天聖九年來代州棲壽甯觀題詩云醉走
白驢來倒提銅尾乘引箇碧眼奴擔着獨壺壘自言秦世事
家住葛洪井不讀黃庭經豈燒龍虎鼎獨立都市中不受俗
人請欲攜霹靂琴去上芙蓉頂吳牛買十角溪田耕半頃種
秫釀白醪便是仙家景醉臥古松陰閒立白雲嶺要去卽便
去直入秋霞影仍自寫真其旁撮襟書龜鶴齊壽四字鳳山

來儀觀亦自寫真飛白書清安福壽四字所畫五星惟土宿獨存

慧悟大師唐李氏子纔學語卽稱妙法蓮華其親異之捨令出家於五臺眞容院戒律精嚴儀容奇偉元祐初詔入內庭應對稱旨賜紫衣授職僧正崇甯改元復詔赴京苦辭不獲行至佛道店曰旣逢佛道吾可歸矣乃屹然而化勅還龕本山建塔藏之

成覺代州張氏子幼依善住院和希大德受業希受僧統加號慈懿大師住清涼寺覺從諮決法要希知其法器勉令參方覺聞明教嵩和尚名卽往依焉朝夕諮決所疑廓然有得辭歸五臺嵩曰吾道北矣至山學者日衆壽逾八十而化

劉妍代州姬見曾慥集仙傳

以上代州

朔蓬頭夏縣人世居邑北高德大溝上有木橋後出遊方外
至明正德間有蓬頭道人至橋自稱姓朔指宅墓故址且言
確曰胡不見鄉人掘地三尺許得之居數月備耕張鶴家後
倏不見

解州

夏師稷山人姓邢氏初治儒術天才博瞻舉進士不第遂落
髮遍歷名山寓錫淮泗間鴻儒碩彥多與遊自曰岸濱長老
常食蔬茹衣鹿皮又號鹿皮道者後遊姑射山終焉茶毗舌
根不化瑩潤若玉太原王宥撰記

絳州

邱長春隰州人建隆間隱祈真觀修鍊一日空中仙鶴繚繞
駕空而昇留詩曰生死朝昏事一般幻泡出沒水常閒暉光
現處踰烏兔元景開時納海山揮斥八紘如咫尺吹噓萬有
似機關狂詩落筆成塵後寄在詩人妄聽聞

此與樓後邱祖乃二人也

曹仙姐攜幼女引一犬至大甯馬閣閣息大柳下左擊鐵鞋
右握鐵杖招水工求渡工以水漲拒姐微笑遂攜女引犬步
水面徑達東岸登石龕中時羣犬隨吠居民趨視之姐與女
胥示寂犬亦化矣一境大駭爲塑像祀之有禱輒應元人郝
季隆有碑記

州

右宋三十一人

附見
一人